

MATTU ā LUK
IN
KUSAIE

LIBRARY

OF THE

AMERICAN BIBLE SOCIETY.

Number

NO LONGER THE PROPERTY OF
THE AMER. BIBLE SOCIETY

M W O Š A Š U

LUN

JISUS KRAIST LEUM LAS,

MA

MATTU EL ŠIM.

NEW YORK:
AMERICAN BIBLE SOCIETY,
INSTITUTED IN THE YEAR MDCCXVI.

1871.

MWO ŠAŠU LUN JISUS KRAIST LEUM LAS, MA MATTU EL ŠIM.

ŠAPTER I.

FWIL in Buk lun Jisus Kraist, mwen nutin Devid, nutin Ebream.

2. Ebream el oswela Aisak ; à Aisak el oswela Jekob ; à Jekob el oswela Judas à met lel ;
3. à Judas el oswela Feres à Zera nutin Temar ; à Feres el oswela Esrom ; à Esrom el oswela Eram ; 4. à Eram el oswela Eminadab ; à Eminadab el oswela Neasson ; à Neasson el oswela Salmon ; 5. à Salmon el oswela Boos nutin Rekab ; à Boos el oswela Obed nutin Rut ; à Obed el oswela Jesse ; 6. à Jesse el oswela Devid togusa ; à Devid togusa el oswela Solomon nutin mutan kiel Uraiias ; 7. à Solonion el oswela Roboam ; à Roboam el oswela Ebaia ; à Ebaia el oswela Esa ; 8. à Esa el oswela Josafat ; à Josafat ; el oswela Joram ; à Joram el oswela Osaias ; 9. à Osaias el oswela Joatam ; à Joatam el oswela Ekas ; à Ekas el oswela Esekaias ; 10. à Esekaias el oswela Manasses ; à Manasses el oswela Eimon ; à Emon el oswela Josaias ; 11. à Josaias el oswela Jekonaias à met lel, akurun pal si ke utukla nu yin Babilon ; 12..

ā tuk ke utukla elos nu yin Babilon, Jekonaias el oswela Salatiel; ā Salatiel el oswela Zorobabel; 13. ā Zorobabel el oswela Ebaiud; ā Ebaiud el oswela Elaiakim; ā Elaiakim el oswela Ezor; 14. ā Ezor el oswela Sedok; ā Sedok el oswela Ekim; ā Ekim el oswela Elaiud; 15. ā Elaiud el oswela Eliesur; ā Eliesur el oswela Mattan; ā Mattan el oswela Jekob; 16. ā Jekob el oswela Josef tumal Meri, ū isūs Jisus, ū pañpañ Kraist.

17. Tu fwil nu kemwu Ebream mi nu ke Devid fwil sie-ñul-akos; ā Devid mi nu ke pal si utukla elos nu yin Babilon fwil sie-ñul-akos; ā ke utukla elos nu yin Babilon nu ke'l Kraist fwil sie-ñul-akos.

18. ¶ Ā isūsla lun Jisus Kraist ou iñi: Ke Meri nine kiel ā Josef eltal akeni, met eltal tukeni tuk, elos konoilok el la putete ke Nun Mutal.

19. Na Josef met tumal, el met payi, el tiu luñsel maluñlūñalak, el nunku mu el liki'lye mwukunla.

20. Ā ke el nunku ke ma iñi, liye, lipufon lun Leum sikmi nu sel in memi, fwakañ, Josef mwen nutin Devid, kom tiu ſañeñ as al Meri kīum; tu ma in ſiel ma lun Nun Mutal.

21. Ā el tufwa isūsla sie mwen, ā kom fwa pañpañ Êl JISUS: tu el fwa molüla met lal liki ma koluk.

22. Ā ma nu kemwu ma iñi orek tari, tu ma payikin ma met palu fwak ke Leum, fwakañ,
 23. liye, mutan si šu tiu etu met, el tufwa putete, ā el fwa isūsla tulig mogul, ā elos fwa pañpañ Ěl Emmanuel ; ma tafwu, luñas God yuros.

24. Ā Josef ke el motul tukakak, el oru oanu lipufon lun Leum fwak nu sel, ā el es mutan kiel : 25. ā el tiu eta'l nu ke el isūsla mwen natal met : ā el pañpañ Ěl JISUS.

SAPTER II.

IÑI ke Jisus el isūsla in Betleem an Judea, pal si ke Erod togusa, liye, kutu met lalmetmet elos tuku yin fwatu takmu we nu Jerusalem, 2. fwakañ, Pa ya el isusla Togusa lun inet Ju ? tu kut liye itu lal yin fwatu takmu we, ā tuku in ali nu sel.

3. Ke Erod togusa el loñ, el añañfoñ, ā Jerusalem nu kemwu oelul.

4. Ā ke el šulūni nu kemwu met tol fulat ā met šim lun metu, el siyuk nu selos pa ya an Kraist el isūsla we.

5. Ā elos fwak nu sel, Yin Betleem an Judea : tu ou iñi met palu el šimisla, 6. Ā kom Betleem, in an sel Juda, kom tiu srik liki nu kemwu yurin leum lun Juda ; tu sie leum el fwa tuke liki kom, šu sropu liye met luk Israel.

7. Na Erod ke el pañon mu met lalmetmetluk-

la, el siyuk nu selos ma lo pal ña itue sikmi.

8. Ā el sipaloswot nu Betleem, ā fwak, Fwasot ā ūk tulig fwus ma lo; ā ke komwos konoilok, siefwil fwak nu sik, tu ña pe fwa ūom ā ali nu sel.

9. Ke elos loñ togusa, elos ūomla : ā liye, itu si, ma elos liye yin fwatu takmu we, el fwas ye mutalos, nu ke el tuku ā tuwi yin tulig fwus mutu we.

10. Ke elos liye itu, elos arulanu eñun malulap.

11. Ā ke elos ilyuk nu in lomwu, elos liye tulig fwus yurol Meri nine kiel, ā putatle, ā ali nu sel : ā ke elos oaliñalik atro lalos, elos ūuñ kiše nu sel ; gol, ā franku, ā mur.

12. Ā God el oru nu selos in memi tu elos in tiu flokla nu yurin Erod, elos ūom sienu inganek nu yin selos.

13. ¶ Ā ke elos ūomla, liye, lipufon lun Leum ēl sikmi nu sel Josef in memi, fwakañ, Tukakak, ā es tulig fwus ā nine kiel, ā kasus nu yin Ijip, ā kom mutu we nu ke ña siefwil fwak nu ūum; tu Erod el a ūk tulig fwus in uni'lye.

14. Ke el tukakak, el es tulig fwus ā nine kiel ke foñ, ā ūomla nu yin Ijip: 15. ā mutu we nu ke Erod el miše, tu ma payikin ma met palu fwak ke Leum, fwakañ, Ña pañon mu mwen nutig Ijip mi.

16. ¶ Na Erod, ke el liye tu met lalmetmet

elos kiapa'la, el koskusok akinu, ā ſapot, ā onela tulig mogul fwus nu kemwu in Betleem, ā apneni an nu kemwu, ke yiu luo matu ā fwus, oanu pal si el siyuk met lalmetmet ma lo.

17. Na ma payikin ma met palu Jeremi el oru, fwakañ, 18. In Rema loñak pusral, eokſra, ā tuñ, ā asor lulap, Reſel tuñinu tulig natal, ā el koflanu parak, tu elos wañin.

19. ¶ Ā ke Erod el miši, liye, lipufon lun Leum sikmi in memi nu sel Josef in Ijip, 20. fwakañ, Tukakak, ā es tulig fwus ā nine kiel, ā ſom nu fwal Israel, tu elos miši ſu ſuk mol lun tulig fwus.

21. Ā el tukakak, ā es tulig fwus ā nine kiel, ā tuku nu fwal Israel.

22. Ā ke el loñ tu Arkelaus togusa in Judea ar nu fwel Erod papa tumal, el sañeñ ke fwas nu we: ā God el oru nu sel in memi, lun kūfla nu kutenu an Galili.

23. Ā el tuku ā mutu in sie siti pañpañ Nazaret: tu payikin ma met palu fwak, Elos pañon el Nazarin.

SAPTER III.

IN len iñō Jon Baptist el tuku in lutī yin mesis Judea, 2. ā fwakañ, Komwos au liyuk: tu togusaï in kosao akurun tuku.

3. Tu el si iñi el ſu Isaias met palu el polyi, ā fwak, Sie pusra wowoyuk yin mesis, Komwos akou inekin Jeova, nakul ma ſumwos.

4. Ā Jon si iñi nuknuk lal unen kamel, ā kulin me lol in folo ; ā me moño nel lokus ā unni lemnok.

5. Na Jerusalem, ā Judea nu kemwu, ā an nu kemwu apneni Jordan šom nu yurol.

6. Ā el baptais elos la in Jordan, ke fwakak la ma koluk lalos.

7. Ā ke el liye ma puspis met Farisi ā Sad-dusi elos tuku nu ke baptais lal, el fwak nu selos, We fwil nutin faipu, ſu lutu nu ſumwos in kaiñla liki ma siluñ a tuku ?

8. Ke ma iñi orek fwako mwo lun auliyuk ;

9. ā tiu nunku inſiumwos ā fwak, Ebream papa tumus : tu ña fwak nu ſumwos, God el ku in orauk tulig nutin Ebream ke eot iñi.

10. Ā iñipe tulaiu on ke okun ſaku : ke ma iñi ſak e nu kemwu ſu tiu isūs fwako mwo, pokiyé, ā sisla nu in e.

11. Payi ña baptaisi komwos la ke kof in auliyuk : ā el ſu tuku tukuk ku liki yu, fwakuk lal ña tiu mwo ke wisye : el fwa baptaisi komwos la ke Nun Mutal, ā e : 12. pal lal in paul, ā el palelanu pa lal ma nasnas, ā eseni wit lal nu in lomwu ; ā el fwa fureuk kulin ma in e kamwul.

13. ¶ Na Jisus el tuku Galili mi nu Jordan, nu yurol Jon, lun in baptais el la.

14. Ā Jon el mu sito, fwakañ, Mwo tu kom baptais yu la, ya kom tuku nu yuruk ?

15. Ā Jisus el tupokoañ fwak nu sel, Tari

ma iñi : tu mwo kital payikin mwo nu kem-wu. Na el lela in oru nu sel.

16. Á Jisus, ke baptaisla tari, el fwasiuk kitin misiñi liki kofo : á liye, kosao igakla nu sel, á el liye Ñun lun God sikmi oanu muli oa, á tuwi fwe'l.

17. Á liye, pusra si in kosaoe mi, fwakañ, El iñi Mwen kulu nutig, ña inšimwowo ke el.

SAPTER IV.

NA Ñun el kolol Jisus nu yin mesis, tu devil el fwa srifwe'l.

2. Á ke el lalo len añaul á foñ añaul, tuk el musinsral.

3. Á ke pansruf el tuku nu yurol, el fwak, Kom fwin Mwen nutin God, kom ſap eot iñi in efla bred.

4. Á el tupokoañ á fwak, Ma ſimisla, Met a tiu mol ke bred mugenu, tu ke kas nu kem-wu tuke liki olin God.

5. Na devil el wisalak nu in siti mutal á fili'lye on fwin mañon imwen tempel ; 6. á fwak nu sel, Kom fwin Mwen nutin God, kom ſifwanu srola nu ten : tu ma ſimisla, El fwa fwak nu sin lipufon lal ke yum : á elos fwa tapuk komyuk in paolos, fwin tiu ou iñi kutu pal kom kontaye nium ke eot.

7. Jisus el fwak nu sel, Ma ſimisla pe, Nik kom srifwe Jeova God lom.

8. Devil el siefwil pe wisalak nu fwin eol fulat lanu, ā luti nu sel togusaī nu kemwu fwalu, ā ma mwo lalos ; 9. ā el fwak nu sel, Ma nu kemwu ma iñi ña fwa kite kom, kom fwin putati ā ali nu sik.

10. Na Jisus el fwak nu sel, Satan, kom fwalla liki : tu ma ſimisla, Kom ali nu sin Jeova God lom, ā oru nu sel mugenu.

11. Na Devil el ſom luk el, ā liye, lipufon elos tuku ā oru nu sel.

12. ¶ Ā ke Jisus el loñ tu Jon el sisiuñ nu in prison el ſomla nu Galili : 13. ā likie an Nazaret, el tuku ā mutu yin Keperneum, ma on fwin we nu mwea, an siskin an Zabulon a Neftalim : 14. tu ma payikin ma Isaias met palu el oru met, fwakañ, 15. Fwal Zabulon, ā fwal Neftalim, fwin we nu mwea, likin yeno Jordan, Galili lun met Pegan ; 16. met ſu mutu in losu elos liye kalem lulap : ā nu se los ſu mutu in an ā ñunin mas kalem sikuuk nu we.

17. Tukin pal si iñó Jisus el mutamwauk in luti ā fwak, Auliyuk : tu togusaī in kosao akurun tuku.

18. ¶ Ā Jisus ke el fwafwasyis mwe an Galili, el liye tamulel luo, Saimon pañpañ Piter, ā Andru met lel, eltal fulalik kwa mwea : tu eltal met kwa.

19. Ā el fwak nu seltal, Komtal fwas tukuk, ā ña fwa orek umtal komtal kwa met.

20. Ā kitin misiñi eltal likiye ok, ā fwas tukol.

21. Ā ke el šom kutu nu met, el liye luo pe taimulel, James nutin Zebedi, ā Jon met lel, in oaku oelul Zebedi papa tumaltal, onon ok lalos: ā el pañ loltal.

22. Ā kitin misiñi eltal aliki oaku ā papa tumaltal, ā fwas tukol.

23. ¶ Ā Jisus el fwafwasyis yin nu kemwu Galili, lotoiuñ in lolñok lalos, ā luti mwo šasu lun togusaī, ā kela mas e nu kemwu, ā atuk nu kemwu yurin metu.

24. Ā an Siria nu kemwu loñ puñal; ā elos wis nu yurol nu kemwu šu mas ke kutenu mas, ā mwaiok, ā elos sū musin devil, ā musin alwet, ā mas matoltol; ā el oralosyuk in kela.

25. Ā met puspis tukeni fwas tukol Galili mi, ā Dekapolis, ā Jerusalem, ā Judea, ā likin yeno Jordan.

SAPTER V.

AKE el liye met puspis tukeni, el fwasiuk nu fwin eolu: ā ke el mutu, met tumal lutlut elos tuku nu yurol: 2. ā el mañalik, ā luti nu selos, fwakañ, 3. Inši mwowo elos šu sigasrup in ñun: tu togusaī in kosao ma lalos.

4. Inši mwowo elos šu asor: tu elos fwa parak.

5. Insi mwowo elos ſu fwokpap : tu fwalu fwa ma lalos.

6. Inſi mwowo elos ſu musinsral ā malu kin ma mwowo : tu elos fwa kūp.

7. Inſi mwowo elos ſu pakomutu : tu a fwa pakomutu ma lalos.

8. Inſi mwowo elos ſu nasnas in ñun : tu elos fwa liye God.

9. Inſi mwowo elos ſu oru in misla : tu pañ-pañ elos tulig nutin God.

10. Inſi mwowo elos ſu orek ma mwowo ke met kolya alos : tu togusaï in kosao ma lalos.

11. Inſi mwowo komwos, ke met kaskas ko nu ſumwos, ā kolyaï komwos, ā kaskas ko nu kem-wu nu ſumwos, tiu payi, tu komwos met luk.

12. Komwos eñunak, ā inſi mwowo lanu : tu ma lulap mwo lomwos in kosao : tu ou iñi elos kolyaï met palu ſu mutu met ſumwos.

13. Komwos sol lun fwalu : ā sol fwin tiu emak, fuka soleye ? ma tuko kolukla, ā sisila, ā loñyu nu ye niin metu.

14. Komwos kalem lun fwalu. Siti si mutu fwin eola, koflanu mwukunla.

15. Met elos tiu akosiuk lamu, ā filiye on ye tupu, tu on ke sikon lamu ; ā kofleuk nu kem-wu in lomwu.

16. Ŝuñ kalem lomwos in tolāk ye mutun metu, tu elos fwa liye me orekma mwo lomwos, ā oru mwo lanu nu sin Papa tumomwos in kosao.

17. ¶ Tiu nunku mu tu ña tuku in kana-

owisla ma ſap, ā ma palu : ña tiu te kanaowis, ña te oru in payi.

18. Tu payinu ña fwak nu ſumwos, Nu ke kosao ā fwalu ſomla, sie akul ſisik ā sie ñarnar lun me ſap koflanu wañinla, nu ke ma nu kemwu orek payi.

19. Ke ma iñi el ſu kanawis sie me ſap ſrik liki nu kemwu iñi, ā fwa lutu nu ſin met ou iñe, pañpañ el ſrik liki in togusaï in kosao : ā el ſu oru ā lutu mao, pañpañ el yok in togusaï in kosao.

20. Tu ña fwak nu ſumwos, Tu mwo lomwos fwin tiu yok liki ma lun met ſim ā met Farisi, komwos koflanu ilyuk nu in togusaï in kosao.

21. ¶ Komwos loñ ma matu fwak umet, Nik kom akmus : ā met ſu akmus el ſenſen ke ma nununku : 22. ā ña fwak nu ſumwos, Tu met ſu koskusok ſin met lel ke wañin ma ſripi, el fwa ſenſen ke ma nununku : ā met ſu a fwak nu ſin met lel, Reka, el fwa ſenſen ke mwolil : ā met ſu a fwak, Kom lalfon, el fwa ſenſen ke e in hell.

23. Ke ma iñi kom fwin usi kiſe lom nu in lāñ, ā iño kom esamak tu ma lium kutu ma alaii kom ; 24. likiye iño kiſe lom ye mutun lāñ, ā ſom ; met kom eumwela met lium, ā tufwa tuku ā ſuñ kiſe lom.

25. Kitin misiñi kom eumwela met añañ lom, ke kom oelul fwaz inganek ; fwin tiu ou

iñi kutu pal met añañ es komyuñ nu sin met nununku, ã met nununku es komyuñ nu sin roño, ã sis komyuñ nu in prison.

26. Payinu ña fwak nu šum, Kom koflanu fwala liki mao, nu ke kom mol ma nu kem-wu nu ke kitin ma sisik.

27. ¶ Komwos loñ ma matu fwak umet, Nik kom kosro.

28. Ña fwak nu šumwos, Met šu ñetañ nu sin mutan ã luñsi fwas nu yurol ; el orek kosro nu sel tari inšiel.

29. Ña mutom leyut fwin orek kom koluk, tipella mao ã sisla liki kom : tu mwo nu šum tu sie monum mišalla, ã tiu monum nu kem-wu sisila nu in hell.

30. Ña la pom leyut fwin ore kom koluk, pakala mao, ã sisla liki kom : tu mwo nu šum tu sie monum mišalla, ã tiu monum nu kem-wu sisila nu in hell.

31. Ma fwak met, Met šu sisla mutan kiel, lela lun šuñ nu sel me šim lun sisila.

32. Ña fwak nu šumwos, Tu met šu sisla mutan kiel, el fwin tiu kosro, el ora'l lun met kosro : ã met šu payuk el šu sisila, el orek kosro.

33. Siefwil pe, komwos loñ ina matu fwak umet, Nik kom ſifwanu kiape kom, ã kom tufwa akfwolye kas lom nu sin Jeova.

34. Ña fwak nu šumwos, Nik komwos sra-nu fulak : tiu nu ke kosao ; tu me mutu lun

God : 35. tiu nu ke fwalu ; tu me fwolkin
nien ; tiu nu ke Jerusalem ; tu siti sin Togusa
lulap.

36. Nik kom fulak ſiufum, tu kom koflanu
oru sugo aun ſiufum in fwosfwos ā sralsral.

37. Ā lela kaskas lomwos, Aok, aok ; Mo,
mo : tu kutenu ma fwin yok liki ma iñi, ko-
luk.

38. Komwos loñ ma fwak met, Muta topkin
muta, ā mwis topkin mwis : 39. ā ña fwak
nu ſumwos, Tu komwos tiu asikeli ke ma
koluk : ā met ſu tokoilik olum leyut, siefwil
forla nu sel lesi.

40. Ā sienu met fwin luñsi oru nu ſum nu
ke nununku ā esla nuknuk lū lom, lela lun
es pe nuknuk lik.

41. Ā met ſu kaifwi kom in fwas nu ke mail
si, kom oelul fwas nu ke luo.

42. Šuñ nu sel ſu siyuk ſum, ā met ſu asroa
kom nik kom forla luk el.

43. Komwos loñ tu ma fwak met, Mwo kom
luñsom met kawuk lom, ā sruñu met lokwa-
lok lom : 44. ā ña fwak nu ſumwos, Mwo
komwos luñsi met lokwalok lomwos, kaskas
mwo nu selos ſu kaskas ko nu ſumwos, oru
mwo nu selos ſu sruñe komwos, ā siyuk alos
sin God ſu orek ma koluk nu ſumwos, ā
kolyai komwos ; 45. tu ou iñi komwos fwa-
tulig nutin Papa tumoinwos ſu in kosao : tu
El oru fwat lal in siku on ke koluk ā ke

mwo, ā El sipamu auf on ke payi ā on ke sito.

46. Tu komwos fwin luñšomwos elos ſu luñſelos komwos, mea mol lomwos ? ya met rošo elos tiu ou iñi ?

47. Ā komwos fwin paiñ met liumwos mugenu, mea yōk ſumwos ? ya met rošo elos tiu ou iñi ?

48. Tu ou iñi mwo komwos ſumwosmwos lanu, ou Papa tumomwos ſu in kosao ſumwosmwos lanu.

ŠAPTER VI.

KOMWOS liauñ in tiu oru ma payi lomwos ye mutun metu, tu elos liye komwos: fwin ou iñi Papa tumomwos ſu in kosao el tiu siot me mol lomwos.

2. Ke ma iñi ke kom oru kīte, tiu ugug ye mutom, oanu met mwošounkas in iinwen lolñok ā in inganeku, tu met kaksakin olos. Payinu na fwak nu ſumwos me mol lalos.

3. Ā ke kom orek kīte, nik la pom lesi etu ma la pom leyut oru: 4. tu kīte lom fwa lukla: ā Papa tumom ſu liye in lukla, el ſifwanu fwa mol nu ſum lemtulaiuk.

5. Ā ke kom pre, kom tiu oanu met mwošounkas: tu elos luñſelos pre ke elos tu in imwen lolñok ā in srumwosrik inganek, tu met fwa liye'los. Payinu ña fwak nu ſumwos, Me mol lalos.

6. Ā kom, ke kom pre, iliuk nu in fukil ſum,

ā ke kom kaliye mutun oaoa lom, pre nu sin Papa tumom ſu in lukla ; ā Papa tumom ſu liye in lukla, el fwa mol nu ſum lemtulaiuk.

7. Ā ke komwos pre, nik komwos enutnut oanu met pegan : tu elos nunku mu enut el loñ tu elos kaskas ka puspis.

8. Ke ma iñi komwos in tiu ou elos : tu Papa tumomwos el etu ma komwos luñšomwos met, komwos siyuk sel tuk.

9. Ke ma iñi komwos pre ou iñi : Papa tumus ſu in kosao, E'los oal payi.

10. Togusaï lalos tuku. Orek ma nu fwalu, ou elos oru in kosao.

11. Kite kit len si iñi ma kut moño misiñi.

12. Ā nunok munas nu ſes ke ma koluk las, oanu kut nunok munas sin met ſu orek ma koluk nu ſes.

13. Ā tiu kol kit kut in mel, ā es kit la liki ma koluk. Tu togusaï lalos, ā ku, ā mwolanu, ma patpat. Amen.

14. Tu komwos fwin nunok munas sin met ke ma koluk lalos, ouyape Papa tumomwos in kosao el fwa nunok munas ke ma koluk lomwos.

15. Ā komwos fwin tiu nunok munas sin met ke ma koluk lalos, ouyape Papa tumomwos el fwa tiu nunok munas ke ma koluk lomwos.

16. Ā ouyape, ke komwos lālo, tiu oanu met mwošounkas, efwal : tu elos akkolukye muta-

los, tu met in liye elos la lālō. Payinu ña fwak nu ſumwos, Me mol lalos.

17. Ā kom, ke kom lālō, mosuela ſiufwom, ā tanla mutom; 18. Tu kom lālō tiu nu sin metu, tu nu sin Papa tumom ſu in lukla: ā Papa tumom ſu liye in lukla, el fwa ſiot mol nu ſum lemtulaiuk.

19. ¶ Tiu likiye ma mwo lomwos on fwalu, yin mwotil ā rus koñla, ā yin met pusupas konaoselik ā puse: 20. ā likiye ma mwo lomwos in kosao, yin mwotil ā rus tiu koñla, ā yin met pusupas tiu kanaoselik ā tiu puse: 21. Tu yin ma mwo lomwos on we, ouyape yin ñunumwos on we.

22. Mutu kalem lun mano: ke ma iñi mutom fwin mwo, monum nu kemwu tiñtiñinu ke kalem: 23. ā mutom fwin koluk, monum nu kemwu tiñtiñinu ke los. Ke ma iñi fwin kalem in kom los, los iñi yok fuka!

24. Wañin met oru nu sin leum luo: tu el fwa sruñu sie, ā luñsi sie; ku el fwa srukie sie, ā sisla sie. Komwos koflanu oru nu sin God ā mammon.

25. Ke ma iñi ña fwak nu ſumwos, Tiu nunku mu mol lomwos, ma komwos a moño, ā ma komwos a nim; ā tiu monumwos ma komwos a nukomañ. Ya mol tiu mwo liki me moño, ā mano ku nuknuk?

26. Liye mwon yin eñyeñu: tu elos tiu eoki, ā tiu kosrni, ā tiu ti mu in lomwu: ā Papa

tumomwos in kosao el kit alos. Ya komwos tiu mwo luk elos ?

27. Šu ſumwos ke nunkauk fwa ku in orek komwos fulat oanu kubit si ?

28. Ā efwo komwos ku nunku ke nuknuk ? Liye kiuf in ima si, elos kapak ma fuka ; elos tiu orekma, ā tiu isap : 29. ā ña fwak nu ſumwos, Tu Solomon, ke ma nu kemwu mwo lal, el tiu yinla oanu sie selos.

30. Ā God el fwin akkapye ma mwo in ima si, tu on misiñi, ā lutu sisla in fwunyou, ya el tiu oru nu ſumwos yok liki, we komwos lalalfuñi ma sisik ?

31. Ke ma iñi komwos tiu nunkauk, fwakañi, Mea kut a moño ? ku Mea kut a nim ? ku Pia ma kut a nukomañ ?

32. (Tu met pegan elos ſukuk ma nu kemwu ma iñi :) tu Papa tumomwos in kosao el etu tu ma nu kemwu iñi mwo nu ſumwos.

33. Ā met komwos ſuk nu togusai lun God, ā ma payi lal ; ā ma nu kemwu ma iñi fwa ſuñ pe nu ſumwos.

34. Tu ou iñi tiu nunku mu nu lutu : tu lutu fwa nunku kutu ma lutu. Tari ma koluk len si.

SAPTER VII.

KOMWOS tiu nununku, tu met a tiu nununke komwos.

2. Tu nununku ma komwos nununku ka,

met a fwa nununke komwos ou iñi ; me srigusok ma komwos sriki ka, ma iñi met fwa srike pe nu šumwos.

3. Ā efwo kom ku liye kutkut in mutun lium, ā tiu nunku mu šak lulap in mutom ?

4. Ka fuka kom fwak nu sin met lium, Mwo ña esla kutkut liki in mutom ; ā liye, šak lulap in mutomwun ?

5. Kom mwošounkas, met kom sisla šak liki in mutom ; ā na kom fwa liye mwo in esla kutkut liki in mutun lium.

6. Tiu šuñ kutu ma mutual nu sin kosro ñaliñul, ā tiu sisla mwek lomwos nu ke kosro pig, tu elos fwa fwolkeye ye nialos, ā elos fwa forla ñalis komi.

7. Siyuk, ā fwa kite komwos ; šuk, ā komwos fwa konoiok : tomwolak, ā fwa igakla nu šumwos : 8. tu met nu kemwu šu siyuk es ; ā el šu šuk konoiok ; ā šu tomwolak ma igakla nu sel.

9. Ka met šu šumwos, tulig nata fwin siyuk bred, el fwa šuñ eot nu sel ?

10. Ka el fwin siyuk ik, el a šuñ nu sel serpent ?

11. Na komwos met koluk, fwin etu fuka in šuñ ma mwowo nu sin tulig nutomwos, Papa tumomwos šu in kosao el fwa šuñ mwo yok fuka nu selos šu siyuk sel ?

12. Ke ma iñi ma nu kemwu komwos luñ-šomwos, met in oru nu šumwos, komwos oru

ouyape nu selos: tu ou iñi manu ā met palu.

13. Komwos iliuk mutun kol ou sriksrik; tu mutun kol sralap, ā inganek sralap pailik-nu, ma kol nu yin koluk lanu, ā met puspis iliuk nu we.

14. Tu mutun kol ou sriksrik ā inganek ou sriksrik, ma kol nu yin mol; ā met pu konoik mao.

15. Liauñ met palu sito, ſu tuku nu yurom-wos in nuknuk lun ſip, ā inſielos kosro wolf konaosten.

16. Komwos fwa etalos ke fwako lalos. Ya met elos eseni grep ke mu, ā fig ke kokol?

17. Ou iñi ſak mwo nu kemwu isūs fwako mwo; ā ſak koluk isus fwako koluk.

18. ſak mwo koflanu isūs fwako koluk, ouyape ſak koluk koflanu isūs fwako mwo.

19. ſak e nu kemwu fwin tiu isūs fwako mwo pokiyi iguri, ā sisla nu in e.

20. Ke ma iñi komwos eta'los ke fwako lalos.

21. ¶ Tiu met nu kemwu ſu fwak nu sik, Leum, Leum, elos fwa iliuk in togusañ in kosao; tu el ſu oru ma Papa tumuk in kosao el luñsel.

22. Met puspis fwak nu sik in len si iño, Leum, Leum, ya kem tiu kaskas in ēum? ā in ēum kem sisla devil? ā in ēum oru ma puspis ma ſokuruk?

23. Ā na ña a fwak nu selos, Ña tiu ete

komwos ; fwala liki' yu komwos ſu orek ma koluk.

24. Tu ou iñi met nu kemwu ſu loñ ma ña fwak iñi, ā oru mao, ña fwak el oanu met lalimetmet, ſu muña lom sel on fwin eot : 25. ā auf kakla, ā sronot tuku, ā eñ tumi, ā fuñulye lomwu ; ā tiu iguri : tu muña fwin eot.

26. Ā met nu kemwu ſu loñ ma ña fwak iñi, ā tiu oru, elos oanu met lalfon, ſu muña lom sel on fwin puku : 27. ā auf kakla, ā sronot tuku, ā eñ tumi, ā fuñulye lomwu ; ā iguri : ā ma iñi iguri ma lulap.

28. Ā ma iñi te oru, ke Jisus el kaskas tari, met elos lut ke ma lutti lal : 29. Tu el lutti nu selos oanu kas pen, ā tiu oanu met ſim.

ŠAPTER VIII.

KE el oatu fwin eolami, met puspis tukeni fwas tukol.

2. Ā liye, lepu si tuku ā ſinakunal, fwakañ, Leum, kom fwin luñšom, kom ku in ore yu la in nasnas.

3. Ā Jisus el ſralot paul, ā kali'lye, fwakañ, Ñā ke, kom in nasnas. Ā kitin misiñi lepu si el nasnas.

4. Ā Jisus el fwak nu sel, Liauñ, nik kom fwak nu sin met ; ā fwas, ā lutti komyuñ nu sin met tol, ā ſuñ kiše ma Moses el ſap, ke ma lo nu selos.

5. ¶ Ā ke Jisus el utiuk nu in Kepernaum,

met senturion el tuku nu yurin siyuk sel,
 6. ā fwakañ, Leum, met kulanšap luk on
 yin sik mas matoltol, keokinu.

7. Ā Jisus el fwak nu sel, Ņa fwa tuku ā
 akkei el la.

8. Met senturion el tupokoañ ā fwak, Leum,
 ū tiu mwo, nik kom tuku nu fwin tukin ium
 sik : ā kom fwaknu, ā met kulanšap luk fwa kela.

9. Tu ū na met leum ūkšuk si, met meun luk
 akkos yu : ā ū na fwak nu sin sie, Šom, ā el Šom ;
 ā nu sin sienu, Tuku, ā el tuku ; ā nu sin met
 kos luk, Oru ma iñi, ā el oru.

10. Ke Jisus loñ, el lut, ā fwak nu selos ū
 fwas tukol, Payinu ū na fwak nu ūmwos, Ņa
 tiu konoik ma lalalfuñi lulap ou iñi, mo, tiu
 in Israel.

11. Ā ū na fwak nu ūmwos, Tu met puspis
 fwa tuku yin fwatu takmu we ā yin fwatu
 tili we, ā elos fwa mutu yurin Ebream, ā
 Aisak, ā Jekob, in togusai in kosao.

12. Ā tulig lun togusai fwa sisila nu yin los
 liki losu : ā nu iño fwa tuñ ā ūnañorñor in
 mwuse.

13. Ā Jisus el fwak nu sin met senturion,
 Fwasot ; ā oanu kom lalalfuñi a fwa oru nu
 ūsum. Ā kitin mišiñi met kulanšap lal el
 kela ke auu si iñi.

14. ¶ Ā ke Jisus el ilyuk nu in lom sel
 Piter, el liye nine kien mutan kiel onu, ā
 mas fwol.

15. Ā el kalye paul, ā mas fwol wañinla luk el: ā el tukakak, ā oru nu Sel.

16. Ā ke eukela, elos wis nu yurol met puspis ſu musin devil: ā el sisla ñun liki ke pusral, ā akkei elos la nu kemwu ſu más:

17. Tu oru ma payi ma Isaias met palu el polyi, fwakañ, El ſifwanu srukak ma koluklas, ā wiſla mas las.

18. ¶ Iñi ke Jisus el liye met puspis apnulaní, el ſap in ſom nu lefwalo.

19. Ā sie met ſim el tuku, ā fwak nu sel, Met luti, ña ke fwas tukum yin nu kemwu kom fwas nu we.

20. Ā Jisus el fwak nu sel, Kosro foks inluf selos, a mwon yin eñyeñu auñ selos; ā Mwen nutin met wañin an ſiufwel on nu we.

21. Ā sienu sin met tumal lutlut el fwak nu sel, Leum, lela ña ſoñ pukinye papa tumuk met.

22. Ā Jisus el fwak nu sel, Fwas tukuk; ā lela met miši pukinye met miši lalos.

23. Ā ke el sroauk nu fwin oaku, met tumal lutlut elos sroauk tukol.

24. A liye, eñ lulap tuku nu mwea, oanu tu nuamwot afwunla oaku: ā el motulnu.

25. Ā met tumal lutlut elos tuku, ā oksalak, fwakañ, Leum, moli kit la: kut a miši.

26. Ā el fwak nu selos, Efwo komwos ku ſa-ñeñ, we komwos lalalfuñi ma sisik? Na el tukakak, ā igul eñ ā mwea; ā iñi mis lanu.

27. Ā met elos lut, fwakañ, We met measi,
tu eñ ā mwea aksol !

28. ¶ Ā ke el tuku lefwalo, yin met Gadara
mutu we, iñó met luo musin devil ſunol, eltal
fwase liki inkulyuk mi, koskusok akinu, oanu
tu wañinu met fwas alukela nu we.

29. Ā liye, elos wowoyuk, fwakañ, Mea kut
oru nu ſum, Jisus, Mwen nutin God ? ya
kom tuku nu yinu in akkolukye kit met pal
si ?

30. Ā lusi lalos un kosro pig si ma puspis
moño we.

31. Ā devil elos pre siyuk sel fwakañ, Kom
fwin sis kit la, lela kut in ſom nu in un kosro
pig.

32. Ā el fwak nu selos, Fwala. Ā ke elos
fwas liki tari, elos ſom nu in un kosro : ā
liye, un kosro nu kemwu oatu ma keku nu
yin lual mwea, ā elos miši nu in kofo.

33. Ā elos ſu liye'losyuñ kaiñla, ā ſom nu
yin siti, ā fwakak ma nu kemwu, ā kutu ma
oru nu sin met musin devil.

34. Ā liye, nu kemwu mutu yin siti elos
fwas liki ſunol Jisus : ā ke elos liye'l, elos pre
siyuk sel in fwala liki an selos.

SAPTER IX.

A EL sroauk nu fwin oaku, ā kolot, ā tuku
nu yin siti sel.

2. Ā liye, elos wis nu yurol sie met mas ma-

toltol, on fwin kūlus si : ā Jisus liye lalalfuñ-
olos, el fwak nu sin met mas matoltol, Mwen,
eñunak ; ma koluk lom nunok munas ūsum.

3. Ā liye, kutu sin met ūsim fwak inšielos,
El enum.

4. Ā Jisus etu nunka'los, el fwak, Efwo kom-
wos ku nunku ma koluk inšiumwos ?

5. Ka ūsu a fusas liki in fwak, Ma koluk nu-
nok munas nu ūsum ? ku fwak, Tukakak, ā
fwas.

6. Ā tu komwos fwa etu, tu Mwen nutin
met ina ku lal on fwalu in nunok munas ke
ma koluk (na el fwak nu sin met mas ma-
toltol,) Tukakak, srukak kūlus kium, ā fwas
nu in lom ūsum.

7. Ā el tukakak, ā ūsom nu in lom sel.

8. Ā ke met puspis tukeni liye elos ūsañeñ ā
kakšakin God, ūsu ūsun ku ou iñi nu sin metu.

9. ¶ Ā ke Jisus ūsom liki an si iñi, el liye
met si, el Mattu, el mutu imwen met rošo :
ā el fwak nu sel, Fwas tukuk. Ā el tuyuk,
ā fwas tukol.

10. Ā ma te oru, ke Jisus el foñla nu ke te-
bel in lomwu, liye, ma puspis met rošo ā met
koluk elos tuku ā foñla nu yurol ā met tu-
mal lutlut pe.

11. Ā ke met Farisi liye, elos fwak nu sin
met tumal lutlut, Efwo met luti lomwos ku
mutu moño yurin met rošo ā met koluk ?

12. Ā ke Jisus el loñ el fwak nu selos, Met

ku elos tiu enenu met ſatal, tu met mas mu-genu.

13. Ā komwos ſom ā lutlut ke ma iñi fuka, Ņa luñsik pakomutu, ā tiu kiſe: tu ña tiu tuku in pañon mu met payi, tu met koluk in auliyuk.

14. Na met lutlut lal Jon elos fwash nu yurol, fwakañ, Efwo kut ku ā met Farisi lālo pal puspis, ā met lutlut lom tiu lālo?

15. Ā Jisus el fwak nu selos, Ya tulig in fulkil nutin met pusla elos asro ke met pusla mutu yurolos? ā len a fwa tuku, ke met pusla el ſom luk elos, ā na elos lālo.

16. Wañin met likiye ipen nuknuk ſaſu nu ke nuknuk ma; tu ma filiye nakla esla kute iki nuknuk, ā inuſa yokoilik.-

17. Ouyape met tiu filiye wain ſaſu nu in ſifwa matu, fwin ou iñi ſifwa fogōlik, ā wain ſirorla, ā ſifwa muſalſala: ā elos filiye wain ſaſu nu in ſifwa ſaſu, ā eltal mwo.

18. ¶ Ke el kaskas kutu ma iñi nu selos, liye, sie leum tuku nu yurol, ā ſinakunal, fwakañ, An nutig el miſi iñi: ā fwash ā likiye pom on fwel, ā el fwa mol.

19. Ā Jisus el tuyuk ā fwash tukol, ā met tumal lutlut pe.

20. Ā liye, sie mutan, ſu musin sa ke yiu ſie-ñul-luo, el tuku tukol, ā kalye ſiske nuknuk lal: 21. Tu el fwak inſiel, Ņa fwin kalyanu nuknuk lal, ña fwa mol.

22. Ā Jisus el tapulla ; ā ke el liye'l, el fwak, An, eñunâk ; lalalfuñi lom ore kom in kela. Ā mutan si el kela ke auu si iñi.

23. Ā ke Jisus el tuku nu in lom sin leum, ā liye met ušuk sisik ā kutenu met šaša, 24. el fwak nu selos, Sesekla ; tu mutan fwus el tiu miše, ā el motul. Ā elos isasinkusa.

25. Ā ke met elos illa, el ilyuk, ā el es paul, ā mutan fwus el tukakak.

26. Ā ma iñi "sulkakin yikelik nu fwal si iñio nu kemwu.

27. ¶ Ā ke Jisus el šom liki an si iñi, met kun muta luo fwas tukol, wowoyuñ, â fwakañ, Mwen nutin Devid, pakomutetalu.

28. Ā ke Jisus el utyuk nu in lomwu, met kun muta luo tuku nu yurol : ā Jisus el fwak nū seltal, Ya komtal lalalfuñi tu ña ku in oru ma iñi ? Eltal fwak nu sel, Ao, Leum.

29. Na el kalye mutaltal; fwakañ, Ma nu šumtal oanu komtal lalalfuñi.

30. Ā mutaltal nūtalik : ā Jisus el fwakañ šumoseye nu seltal, Nik komtal oru nu sin met.

31. Ā ke eltal šomla, eltal sulkakunalik ma el oru nu fwal iñio nu kemwu.

32. Ke elos šomla liki, liye, elos wis nu yurol met šiloñkas si musin devil.

33. Ā ke el sisla devil luk el, met šiloñkas el kaskas : ā met puspis tukeni elos lut, fwakañ, Met kut tiu liye ou iñi in Israel.

34. A met Farisi elos fwak, el sisla devil liki ke leum lun devil.

35. Ā Jisus el fwafwasyis nu in siti ā yin sisik nu kemwu met mutu we, luti in lolñok lalos, ā kaskas ma mwo ſaſu lun togusaī, ā kela mas e nu kemwu ā atuk nu kemwu yurin metu.

36. Ā ke el liye met puspis tukeni, el pakomutalos, tu elos mululla, ā fwaselik, oanu ſip wañin met sropu.

37. Na el fwak nu sin met tumal lutlut, Ma puspis kapak masla orani wisak, ā pu met orekma; 38. tu ou iñi komwos pre nu sin Leum lun ma kapak masla, tu el fwa sipaot met in orekma nu yin kapak masla.

SAPTER X.

AKE el pañon mu met sie-ñul-luo tumal lutlut, el ſuñ nu selos ku ke ñun fokfok tu elos in sis elos la, ā in kela mas e nu kemwu ā atuk nu kemwu.

2. Ā elos ou iñi lun met ſap sie-ñul-luo : Masi metu Saimon ſu pañpañ Piter, ā Antru met lel ; Jemes nutin Zebedi, ā Jon met lel ; 3. Filip, ā Bartolomu ; Tomas, ā Mattu met rošo ; Jemes nutin Alfeus, ā Lebbeus, ē mwulal Taddeus ; 4. Saimon met Kenan, ā Judas Iskariot, el ſu tukakunulak.

5. Sie-ñul-luo iñi Jisus el sipaot, ā oru nu selos, fwakañ, Nikmit fwas nu inganek lun

Met pegan â nikmit ilyuk nu yin siti lun met Simaritan.

6. Tu mwo liki ſom nu yurin ſip tūla lun sou lun Israel.

7. Ā, ke komwos ſom, luti fwakañ, Togusaï in kosao akurun.

8. Oru met mas in kela, met lepu in nasnas, met miſi in molyuk, sisla devil liki : komwos esla ke tiu mol, kitala ke tiu mol.

9. Tiu filiye gol, ā silver, ā bras in atro lomwos ; 10. tiu nuk ke fwafwasyis, tiu koat luo, tiu faluk, tiu sikal ; tu mwo in ſuñ me mol nu sin met orekma.

11. Komwos fwin ilyuk yin siti ā yin sisik met mutu we, siyuk ſu mwo yinu ; ā mutu we nu ke komwos ſomla.

12. Ā ke komwos ilyuk nu in lomwu, tañ mu.

13. Ā lom fwin mwo, misla lomwos on fwe : ā fwin tiu mwo, lela misla lomwos in foloko nu yuromwos.

14. Ā sienu met ſu tiu es komwos, ā tiu loñ kas lomwos, ke komwos ſom liki lom ku siti si iñi, fotoñla fok ke niuwos.

15. Payinu na fwak nu ſumwos, Fwal Sodom ā Gomorra mwo liki siti si iño in len ošun.

16. ¶ Liye, ña sipe komwos la oanu kosro ſip nu yurin kosro wolf : tu ou iñi mwo komwos lalmetmet oanu serpent, ā oa oanu muli oa.

17. Ā sismouk metu : tu elos fwa es komwos yuk nu ke mwolin papu, à elos fwa sriñil komwos in lolñok lalos ; 18. à elos fwa wis komwos yuk nu ye mutun leum à togusa ke ña, ke ma lo lain elos à Met pegan.

19. Ā ke elos es komwosyuñ, tiu nunkauk kutu à fuka ma komwos a fwak; tu ña fwa šiot nu šumwos kutu ma komwos a fwak ke auu si iñó.

20. Tu tiu komwos a fwak, à Nun lun Papa tumomwos el fwak in komwos.

21. Ā met lel fwa ašuñ met lel nu ke miši, à papa ašuñ tulig : à tulig elos tuyuk lain papa nine, à ora'los nu ke miši.

22. Ā met e nu kemwu fwa sruñe komwos ke ēk ; à el šu oru mwo nu tuk fwa mol.

23. Ā ke elos kolyaī komwos yin siti si iñi, komwos kaiñ la nu sienu : tu payinu ña fwak nu šumwos, Komwos tiu fwas tari nu yin siti in Israel, nu ke Mwen nutin met tuku.

24. Met tuma lutlut el tiu fulat liki met luti, à met kulanšap tiu fulat liki leum lal.

25. Tarinu tu met tuma lutlut oanu met luti lal, à met kulanšap oanu leum lal. Elos fwin pañpañ met fwunmet Beelzebub, ya yok liki elos pañpañ pe kutu sin sou lun met fwunmet ?

26. Tu ou iñi tiu šañeñ selos, tu wañin kutu ma afne, a fwa tiu igasla ; à mwukin, a fwa tiu etauk.

27. Ma ña fwak nu šumwos in los, komwos

kaskas in kalem: ā ma komwos loñ in sreumwos, komwos fwakot on fwin mañon lomwu.

28. Ā tiu sañeñ selos šu uniye mano, ā tiu ku in uniye ñun: ā mwo liki ſañeñ sel šu ku in kanaosla ñun ā mano pe in hell.

29. Ya met tiu kukakin kitin mwon luo ke kitin muni sisik? ā sie fwin putati nu in foko Papa tumomwos el liauñ.

30. Ā aun ſiufumwos nu kemwu el oakla.

31. Ke ma iñi komwos tiu ſañeñ; tu komwos mwo liki kitin mwon sisik puspis.

32. Tu ou iñi met sinu šu fwak yū yuk ye mutun metu, ouyape ña fwa fwakalak ye mutun Papa tumuk šu in kosao.

33. Ā sienu met šu lafwekin yu ye mütun metu, ña ouyape fwa lafwekunal ye mutun Papa tumuk šu in kosao.

34. Tiu nunku mu tu ña tuku in sipamu misla on fwalu: Na tiu tuku in sipamu misla, tu kutlas.

35. Tu ña tuku in oru met si lain papa tumal, ā tulig mutan lain nine kial, ā tulig talap lain nine talupal.

36. Ā met lokwalok lun met in sou lal.

37. El šu luñsi papa ā nine yok liki yu, tiu mwo nu sik, ā el šu luñsi mwen ā an yok liki yu, tiu mwo nu sik.

38. Ā el šu tiu es ſaksiñ sugo lal, ā fwas tukuk, tiu mwo nu sik.

39. El ſu konoiok mol lal fwa tūla mao: ā el ſu tūla mol lal keik, fwa konoiok mao.

40. ¶ El ſu es kom, es yu mi; ā el ſu es yu mi, es al ſu sipe yu mi.

41. El ſu es met palu in ēl met palu, fwa es mol lun met palu; ā el ſu es met payi, in ēl met payi, fwa es mol lun met payi.

42. Ā el ſu fwa nime sin sie ma sisik luk alein kof eou si in ēl met tuma lutlut, payinu ña fwak nu ſumwos, me mol lal fwa tiu tūla.

SAPTER XI.

A MA iñi te oru ke Jisus el ſap tari nu sin met sie-ñul-luo tumal lutlut, el ſom in lu-ti ā in kaskas yin siti selos.

2. Ā ke Jon el loñak in prison me orekma lun Kraist, el ſipaot met luo tumal lutlut, 3. ā fwak nu sel, Ya kom el ſu a tuku, ku .kein a ſuk sienu?

4. Jisus el tupokoañ ā fwak nu seltal, Fwala ā ſiefwil pe lutu nu sel Jon ma komtal loñ ā liye: 5. met kun elos liye, ā met ul elos fwas, ā met leper nasnas, ā met siloñkas loñ, ā met miši molyuk, ā met sigasrup elos loñ ma mwo ſaſu.

6. Ā inſi mwowo el ſu tiu tugulkil keik.

7. Ā ke elos ſomla, Jisus el mutamwauk in fwakul Jon nu sin met puspis tekeni, Mea komwos ſom nu yin mesis in liye? Ya a sugo kususus in eñyeñu?

8. Ka mea komwos ſom in liye ? Ya met si nukomañ nuknuk mwowo ? liye, elos ſu nukomañ ma mwowo mutu in lom sin togusa.

9. Ka mea komwos ſom in liye ? Ya met palu si ? aok, ña fwak nu ſumwos, ā yok liki met palu si.

10. Tu el iñi met si elos ſimisla met, Liye, ña ſipu met ſap luk ye mutom, el ſu akou inek loin ye mutom.

11. Payinu ña fwak nu ſumwos, Wañin mutan oswela met yok luk el Joñ Baptist : ā el ſu ſrikla liki in togusai in kosao yok luk el.

12. Ā ke len lun Jon Baptist nu iñi met elos oigusiuk nu in togusai in kosao, ā elos kenu fwaz nu we.

13. Tu met palu nu kemwu ā manu elos polyi nu ke Jon.

14. Ā komwos fwin kenu etu mao, El iñi Elaias ſu a tuku.

15. El ſu ſra in loñ, lela lun loñ.

16. ¶ Ā fwil si iñi oanu mea ? Oanu tulig mu-

tu yin kutakot, ā elos pañonmu asouk lalos,

17. ā fwakañ, Kem nigaruru nu ſumwos, ā komwos tiu srosro ; kem usuk ſisik nu ſumwos,

ā komwos tiu añor.

18. Tu Jon el tuku tiu moñō ā tiu nim, ā elos fwak, Devil yurol.

19. Mwen nutin met el tuku moñō ā nim, ā elos fwak, Liye met kain moñō, ā nim wain,

met wiyen met rošo ā met koluk. Ā Lalmet-met el payi ke tulig natal.

20. Na el mutamwauk in kaiyuk nu sin siti, yin El orek menmen puspis, tu elos tiu au-liyuk.

21. We nu ſum, Koresin ! we nu ſum Bet-saida ! tu fwin orek menmen lulap yin Tair ā Saidon met, oanu oru nu ſumtal, iñi eltal au-liyuk ma lulap in nuknuk mwa ſeñſeñ ā apat.

22. Ā ña fwak nu ſumtal, An Tair ā Saidon eltal mwo liki komtal in len ošun.

23. Ā kom an Kapernaum orauk ma fulat in kosao, fwa utuki nu in hell : tu fwin orek menmen lulap nu in Sodom met oanu oru nu ſum iñi, Sodom tiu wañinla nu ke len si iñi.

24. Tu ña fwak nu ſumwos, Tu an Sodom mwo liki kom in len ošun.

25. ¶ Ke pal si iñi Jisus el tupokoañ ā fwak, Ña kulu nu ſum, Papa, Leum in kosao ā fwa-lu, tu kom mwukunla ma iñi liki met lalmet-met ā met liaten, ā igasañ mao nu sin kitin tulig.

26. Ao, Papa : tu ou iñi mwo on ye mutom.

27. Papa tumuk el kite yu ma nu kemwu : ā wañin nu met etu Mwen, tu Papa mugenu : ā wañin nu mët etu Papa, tu Mwen mugenu, ā el pe Mwen a fwa igaselañ nu sel.

28. Fwasu nu yuruk, komwos nu kemwu ſu totola ā fwinni, ā ña fwa ſiot nu ſumwos moñle.

29. Es srenenu luk on fwom, ā lutlut keik ;

tu ña misle ā efwal inši: ā komwos fwa ko-noiok moñle in ñunumwos.

30. Tu srenenu luk mwonu, ā enu luk mula-la.

ŠAPTER XII.

KE pal si iñó Jisus el fwas ke len sabbat sasla in ima korn si; ā met tumal lut-lut elos musinsral, ā mutamwauk in lusla korn, ā in moño.

2. Ā ke met Farisi liye, elos fwak nu sel, Liye, met tumom lutlut elos orek ma tiu payi in oru ke len sabbat.

3. Ā el fwak nu selos, Ya komwos tiu rid ku-tu ma Devid el oru ke el musinsral, ā elos ſu oelul; 4. fuka el ilyuk nu in lom sin God, ā moño bred lutti, ma oul sel lun tiu moño, ā selos ſu oelul, ā tiu oul nu sin met tol?

5. Ya komwos tiu rid in manu, fuka ke len sabbat met tol elos orekma in imwen tempel ā tiu koluk?

6. Ā ña fwak nu ſumwos, Tu in an si iñi sie yok liki imwen tempel.

7. Ā komwos fwin etu fuka ma iñi, Na luñ-sik pakomutu, ā tiu kiše, komwos a tiu lus-la ma mwowou.

8. Tu Mwen nutin met el Leum lun sabbat.

9. ¶ Ā ke el ſom liki an iñó, el ilyuk nu in lolñok lalos: 10. a liye, met si ul lanu paul. Ā elos siyuk sel, fwakañ, Ya oul' in kela ke

len sabbat ku tiu oul ? tu elos fwa kas lain ul.

11. Ā el fwak nu selos, Ka met ſu yurom-wos nata sugo ſip, ā el fwin putatla nu inlu-fu ke len sabbat, Ya el tiu sruki'lye ā sru-kak ?

12. Fuka met a mwo liki ſip ? Tu ou iñi tiu oul in oru mwo ke len sabbat.

13. Na el fwak nu sin met si, Asreot pom. A el asroela ; ā kelanu oanu layenu.

14. ¶ Na met Farisi elos ſom liki, ā tukeni kaskas lain ul, fuka elos fwa uni'lye.

15. Ā ke Jisus el etauk, el ſifwanu ſom liki an iñi : ā met puspis tukeni elos fwas tukol, ā el akkei'elos la nu kemwu ; 16. ā el mwulaun nu selos tu elos in tiu fwakulak : 17. tu in payikin kutu ma Esaias met palu el fwak met fwakañ, 18. Liye tulig nutig, ſu ña emun ; ku-lu nutig, nu sin ſu ñunik luñkin ma lulap : ña fwa likiye ñunik on fwel, ā el fwa lutti manu nu sin Met pegan.

19. El a tiu anwuk, tiu wowo ; ā wañin met loñ pusral inganeku.

20. A malok el a tiu koptalik, ā ma fofosiuk el a tiu kunla, nu ke el sipaot manu nu ke kutuñla.

21. Ā met pegan elos fwa lalalfuñi in ēl.

22. ¶ Na elos wis nu yurol sie musin devil, kunla mutal ā tiu kas : ā el ora'l in kela, oanu kunla ā tiu kas eltal liye ā kas.

23. Ā met nu kemwu elos lut, ā fwak, Ya el iñi tiu Mwen nutin Devid ?

24. Ā ke met Farisi elos loñ, elos fwak, El iñi tiu sisla devil liki, fwin tiu ke Beelzebub, leum lun devil.

25. Ā Jisus el etu nunka'los, fwak nu selos, Togusaï kemwu fwin ſifwanu aes fwa wañin-la; ā siti nu kemwu ā lom elos ſifwanu aes fwa tiu tu.

26. Ā Setan el fwin sisla Setan liki, el ſifwanu aes ; fuka togusaï lal fwa tu ?

27. Ā ña fwin sisla devil liki ke Beelzebub, ke ſu tulig nutom sisla luk elos ? ou iñi elos fwa nununke komwos, la payi ku sito.

28. Ā ña fwin sisla devil liki ke Ñunal God, na togusaï lun God tuku nu yurumwos.

29. Ka fuka met si ilyuk nu in lom sin met ku, ā kanaosla ma lal, el fwin tiu kopuriyawun met ku ? ā na el fwa kanaosla lom sel.

30. El ſu tiu wi yu, el lain yu : ā el ſu tiu wi yu wisani, el siselik.

31. Tu ou iñi ña fwak nu ſumwos, Ma koluk ā ma enum nu kemwu God nunok munas sin metu ; ā ma enum lain Ñun Mutal, El tiu nunok munas sin metu.

32. Ā kutenu ſu kaskas sie kas lain Mwen nutin met, God fwa nunok munas nu sel : ā el ſu kaskas lain Ñun Mutal, El fwa tiu nunok munas nu sel, tiu nu fwalu, tiu nu fwal tuko.

33. La orek ſak mwo, ā fwakol mwo ; ku orek ſak koluk, ā fwakol koluk : tu kut etu ſak ke fwako.

34. We fwil lun faipu ! komwos koluk, fuka kaskas mwo ? tu ke puspis inſi, oalu kaskas.

35. Met mwo el wiſla ma mwo lal liki niin tatū mwo lal ; ā met koluk wiſla ma koluk lal liki niin tatū koluk lal.

36. Tu ña fwak nu ſumwos, Tu mwusrulunkas nu kemwu ma metu fwak, elos fwa oraot in len oſun : 37. tu ke kas lom kom fwa payi, ā ke kas lom kom fwa sito.

38. ¶ Na kutu sin met ſim [ā sin met Farisi elos tupokot, fwakañ, Met Luti, kut luñſes liye sie akul ke'um.

39. Ā el tupokoañ ā fwak nu selos, Fwil koluk ā kosro ſuk sie akul ; ā wañin akul oru nu ka, ā akul siewunu lun Jonas met palu : 40. Tu oanu Jonas el mutu len tolu ā foñ tolu inſien luat ; ouyape Mwen nutin met el fwa mutu len tolu ā foñ tolu inſien fwalu.

41. Met Ninefa elos fwa tuyuk in olul lain fwil si iñi, ā lus el la ; tu elos auliyuk ke Jonas el kaskas ; ā liye, sie yinu yok luk el Jonas.

42. Kosoa yin eur el fwa tuyuk in olul lain fwil si iñi, ā lus el la ; tu el tuku nu tafwun fwale mi in loñ ma lalmetmet lun Solomon ; ā liye, sie yinu yok luk el Solomon.

43. Ke ñun fokfok el fwas liki met, el fwa-

fwasyis sasla an paoala, ūuknu moñla, ā tiunu konoiok.

44. Na el fwak, Ņa folokla nu in lom sik ūa fwas we mi; ā ke el tuku, el konoik puše, imom, ā mwonus.

45. Na el ūom, ā wis kutenu ūun itkos koluk luk el, ā elos ilyuk ā mutu we: ma safla lun met ūen koluk liki ma met. Ā ou iñi fwil koluk si iñi koluk pe tuk.

46. ¶ Ke el kaskas iñi nu sin metu, liye, nine ā met lel elos tu likin umwe, luñsi in kaskas nu sel.

47. Na sie fwak nu sel, Liye, nine kium ā met lium elos tu likin umwe, luñsi in kaskas nu ūum.

48. Ā el tupokoai ā fwak nu sin ūu fwak nu sel, ūu nine kiu? ā met ūu likan?

49. Ā el sralot paol nu ke met tumal lutlut, ā fwak, Liye nine kiu, ā met lik!

50. Tu met ūu oru luñ lun Papa tumuk in kosao, elnu ma lik, ā louk, a kiu.

CHAPTER XIII.

LEN si iñi Jisus el fwas liki lomwu, ā mu-tu fwin meši.

2. Ā met puspis elos tukeni tuku nu yurol, ou iñi tu el sroauk nu fwin oaku, ā mutu; ā met puspis tukeni tu fwin meši.

3. Ā el kaskas ma puspis nu selos in pupul-yuki, fwakaai, Liye, met takunla, el ūom in

takunalik: 4. ā ke el takunalik, kutu putatla nu pupaneku, a mwon elos tuku ā koñla mao.

5. Kutu putatla nu yin eoteot, srikla fok on we; ā kitin pal elos kapak, tu fok tiu lāl: 6. ā ke fwatu takak, elos paoala; ā tu wañin oka lalos, elos paoa lanu.

7. Ā kutu putatla nu ke kokol; ā kokol kapak, ā kupowiye masla.

8. Ā kutenu putatla nu in fok mwo, ā oswe fwako, kutu sie-fok ka, kutu on-ñul ka, kutu tol-ñul ka.

9. El ſu ſra in loñ, lela lun loñ.

10. ¶ Ā met lutlut elos tuku, ā fwak nu sel, Efwo kom ku kaskas nu selos in pupulyūki?

11. El tupokot ā fwak nu selos, Tu ma etukot nu ſumwos in etu ma foñla lun togusaï in kosao, ā tiu etukot nu selos.

12. Tu el ſu os ma lal, fwa ſuñ kute pe nu sel, ā el fwa ma puspis ma lal: ā el ſu wañin ma lal, fwa esla luk el nu kemwu ma lal.

13. Tu ou iñi ña kaskas nu selos in pupulyūki; tu liye, elos tiu liye; ā loñ, elos tiu loñ, ā elos tiu etu.

14. Ā in selos oru ma payi ma Esaias, met palu, el polyi fwak, Ke loñ komwos fwa loñ, ā fwa tiu etu; ā liye komwos fwa liye, ā ninukunlanu: 15. tu inſien met iñi ma upa, ā sralos matoltol, ā elos sruñulye mutualos; fwin tiu ou iñi kutu pal elos liye ke mutualos,

ā loñ ke sralos, ā fwa etu inši elos, ā fwa forla, ā ūa fwa akkei elos la.

16. Ā inši mwowo mutomwos, tu elos liye : ā sreumwos, tu elos loñ.

17. Tu payinu ūa fwak nu ūumwos, Tu met palu ma puspis ā met payi elos luñselos in liye ma komwos liye, ā tiu liye ; ā in loñ ma komwos loñ, ā tiu loñ.

18. Ke ma iñi komwos loñ pupulyuk si lun met takunalik.

19. Ke kutenu loñ ma kas lun togusaï, ā tiu etu, na ma koluk si el tuku, ā tulakunla ma takunalik inšiel. El iñi el ūu es fute nu ke pupaneku.

20. Ā el ūu es fute yin eoteot, el iñi el ūu loñ kas, ā kitin misiñi el inši mwowo in es mao : 21. ā wañin oka ke el, ā el oru kutu pal ; ā ke ma koluk ā kolya tuku ke kas, kitin misiñi el tugulkul.

22. El pe ūu es fute yin kokol, el iñi el ūu loñ kas ; ā inšie lanu fwalu, ā kutasrik lun gasrup sruukeni kas, ā el tiu fokla.

23. Ā el ūu es fute yin fok mwo, el iñi el ūu loñ kas, ā etu ; elnu oswe fwako, ā isūs, kutu sie-fok ka, kutu on-ñul ka, kutu tol-ñul ka.

24. ¶ El lute nu selos sie pe pupulyuk, fwa-kañ, Togusaï in kosao oanu met ūu takunalik fute mwo in ima si lal : 25. ā ke met elos on-nu motul, met lokwalok lal tuku ā takunalik tau kolweni wit, ā el ūomla.

26. Ā ke sra kapak, ā oswe fwako, na tau
elos kapak pe.

27. Na met kulanšap lun met kato tuku ā
elos fwak nu sel, Leum, ya kom tiu takunalik
fute mwo in ima si lom ? efwo ku tau on ka ?

28. El fwak nu selos, Met lokwalok el oru
ma iñi. Met kulanšap elos fwak nu sel, Ya
kom luñšoin tu kem šom in ſifwalosyuk ?

29. Ā el fwak, Mo ; tu ke komwos ſifwa-
losye tau, komwos fušak wit oelulosyuk pe.

30. Lela in tukeni kapak nu ke ſifweni : ā
ke pal si ſifweni ña tufwa fwak nu sin met
kosrūni, Met komwos eseni nu sie tau, ā ka-
peni loseni in furelosyuk : ā komwos wiseni
wit nu in imwen wit sik.

31. El luti nu selos sie pe pupulyuk, fwakañ,
Togusaï in kosao oanu futin mustad, ma met
si srukak, ā takunalik in ima si lal : 32. ma
iñi srik liki fute nu kemwu ; ā ke ma kapak,
ma yok liki ſak tasuk, ā oanu ſak lulap kutu,
oanu tu mwon yin eñyeñu elos tuku ā mutu
on fwin le ſaku.

33. El kaskas nu selos sie pe pupulyuk : To-
gusaï in kosao oanu me pulolak, ma mutan si
es, ā mwukin in buket in flau tolu, nu ke
pulolak kemwu.

34. Ma nu kemwu ma iñi Jisus el kaskas in
pupulyuk nu sin met puspis tukeni ; ā fwin
tiu pupulyuk el tiu kaskas nu selos : 35. tu a
fwa payikin ma met palu el polyi, fwakañ,

Ña fwa mañalik in pupulyuki; ña fwa fwakot kutu ma mwukmwuk ke mutamwauk fwalu nu iñi.

36. Na Jisus el sipalik met puspis tukeni, ā ilyuk nu in lomwu: ā met tumal lutlut elos tuku nu yurol, fwakañ, Luti nu šes pupulyuk lun tau in ima si.

37. El tupokot ā fwak nu selos, El ſu takunalik fute mwo, Mwen nutin met: 38. Ima si, fwalu: fute mwo, tulig nutin togusaï: ā tau tulig nutin koluk: 39. lokwalok ſu takunalo-selik, devil: ſifweni, safla fwalu; ā met kosrūni, lipufon.

40. Tu oanu ina tau ſifweni ā fureuk in e; ouyape ke safla fwalu.

41. Mwen nutin met el fwa sipaot lipufon lal, ā elos esla liki togusaï lal ma nu kemwu ma tugulkul, ā elos ſu orek ma koluk; 42. ā fwa sis elos la nu in fwunu in e: ā iñó fwa tuñnu ā ñañorñor.

43. Na met payi elos tufwa ſaromromla oanu fwatu in togusaï lun Papa tumalos. El ſu sra in loñ, lela lun loñ.

44 ¶ Siefwilpe, togusaï in kosao oanu ma mwo mwukunla in ima si; ma ke met si konoiok, el mwukmwuk, ā tu inšimwo ka, el ſom kuko ma nu kemwu ma lal, ā mol ima si iñó.

45. Siefwilpe, togusaï in kosao oanu met kutatot ſu ſukuk mwek mwowo; 46. ke el

konoiok mwek mwo yok lanu molo, el šom ā kuko ma nu kemwu ma lal, ā mol masi.

47. ¶ Siefwilpe, togusaï in kosao oanu kwa, ma met fulalik mwea, ā sruukeni kain in ik nu kemwu.

48. Ke tiñtiñinu, elos amakunak nu fwin meši, ā elos mutu, ā ſifweni ma mwowo kea nu fwin oaku, ā sisla ma koluk kea.

49. A fwa ou iñi ke safla fwalu : lipufon elos tumi ā eselik ma koluk liki ma payi, 50. ā fwa sis elos la in fwunu in e : iñó a fwa tuñnu ā ñañorñor.

51. Jisus el fwak nu selos, Ya komwos etu ma nu kemwu ma iñi ? Elos fwak nu sel, Ao, Leum.

52. Na el fwak nu selos, Tu ou iñi met ſim ſu lalmetmet ma lun tugusaï in kosao, el oanu met kato, ſu usi ſaſu ā matu liki tatū lal.

53. ¶ Ā ma te oru, ke Jisus el kaskas pupulyuk iñi tari, el šom liki.

54. Ā ke el tuku nu yin sel, el lutu nu selos in lolñok lalos, oanu tu elos lut, ā fwak, Ma ya lalmetmet, ā menmen lulap, met si iñi el es ?

55. Ya el iñi tiu mwen nutin kapenter ? kem tiu pañpañ nine kiel, Meri ? ā ma lel, Jemes, ā Joses, ā Saimon, ā Judas ?

56. Ā ma loul, ya elos tiu mutu yuros ? Na ma ya met si iñi es nu kemwu ma iñi ?

57. Ā elos tugulkul ke'l. Ā Jisus el fwak

nu selos, An sin met palu, ā sou lal, tiu mwo nu sel.

58. Ā iñō el tiu orek ma puspis menmen lulap, tu elos silalalfuñi.

ŠAPTER XIV.

KE pal si iñō Herod titrak el loñ puñal Jisus, 2. ā el fwak nu sin met kulanšap lal, El iñi Jon Baptist: el molyuk liki met miši; tu ou iñi menmen lulap ſifwanu lutti in el.

3. Tu Herod el sruki'lye Jon met, ā kopuri'lye, ā fili'lye nu in prison ke Herodias, kiel Filip met lel.

4. Tu Jon el fwak nu sel, Oul ke kom es el.

5. Ā ke el luñsel uni'lye, el ſañeñ sin met puspis, tu elos nunku mu el met palu.

6. Ā ke elos orekma ke len si Herod el isüslla, an nutin Herodias el on srosro ye mutalos, ā Herod el eñun ka.

7. Tu ou iñi el tukakunañ ke fulak in ſuñ nu sel ma nu kemwu ma el siyuk.

8. Ā el, nine kiel lutti nu sel umet, fwak, Usi nu sik ſiufwel Jon Baptist in pulet lulap si.

9. Ā togusa el pakomutu: ā tu fulak ka, a ke elos ſu mutu moño yurol, el ſap in aſuñ.

10. Ā el sipaot, ā tala ſiufwel Jon in prison.

11. Ā elos wis ſiufwel in pulet lulap si, ā ſuñ nu sin mutan fwus si, ā el wis nu yurin nine kiel.

12. Ā met tumal lutlut elos tuku ā srukak manol, ā pukini'lye, ā ſom ā fwakañ nu sin Jisus.

13. Ā ke Jisus el loñ, el ſom in oaku liki an si iñi nu yin mesis muku: ā ke met elos loñ, elos fwas tukol fwas liki siti.

14. ¶ Ā Jisus el fwasot, ā el liye met puspis tukeni, ā el pakomutalos: ā el akkeiela mas lalos.

15. Ā ke eukela, met tumal lutlut elos tuku nu yurol, fwakañ, An si iñi an mesis, ā patla pal si iñi; sipala metu, tu elos ſom nu yin met mutu we, ā mol kutu me moño nelos.

16. Ā Jisus el fwak nu selos, Mwo elos tiu ſom; komwos ſuñ me moño nelos.

17. Ā elos fwak nu sel, Srukwalun nu bred limikos, ā ik lugwe iñi mugenu yuros.

18. El fwak, Usi mao nu sik.

19. Ā el ſap met puspis tukeni in mutu on fwin ma; ā el srukak srukwalun nu bred limikos ā ik lugwe, ā ñetak nu in kosao, el ali, ā kunšalik, ā ſuñ] srukwalun bred nu sin met lutlut, ā met lutlut nu sin met puspis tukeni.

20. Ā elos nu kemwu moño, ā kūp: ā elos srukak luwin moño lalos kuom sie-ñul-luo sesesla.

21. Ā elos ſu moño apkurun met mogul limu, sayin mutan ā tulig.

22. ¶ Ā kitin misiñi Jisus el ſap nu sin met tumal lutlut in sroauk nu fwin oaku, ā kol

met nu lefwalo el tuk, ke el sipalik met puspis tukeni.

23. Ā ke el sipalik met puspis tukeni tari, el mugenu ſom nu fwin eola in pre: ā ke pal si eukela, el mugenu mutu.

24. Ā oaku infulwin nemwu, ikikyuk ke nua : tu eñ kolukyuk.

25. Ā ke ſano akakos in foñ Jisus el ſom nu yurolos, fwafwasyis fwin kof.

26. Ā ke met lutlut elos liye'l el la fwafwas-yis mwea, elos toninfoñ, fwakañ, We ñun si ; ā elos wowoyuk ke ſañeñ.

27. Ā kitin misiñi Jisus el kaskas nu selos, fwakañ, Komwos eñunak ; Ña ; nikmit ſañeñ.

28. Ā Piter el tupokoañ nu sel ā fwak, Leum, fwin kom, ſap ñun fwas fwin kofo nu yurum.

29. Ā el fwak, Fwasu. Ā ke Piter el srola liki oaku, el fwas fwin kof, in ſom nu yurin Jisus.

30. Ā ke el liye eñ upa, el ſañeñ ; ā mutam-wauk in tili, el fwakañ, Leum, moli yu la !

31. Ā kitin misiñi Jisus el asraot paul, ā sruki'lye, ā fwak nu sel, We kom lalalfuñi ma sisik, efwo kom ku pulesu ?

32. Ā ke eltal sroauk nu fwin oaku, eñ mis-la.

33. Na elos fwin oaku tuku ā ali nu sel, fwakañ, Payinu kom Mwen nutin God.

34. A ke elos kolot, elos tuku nu yin Gen-nesaret.

35. A ke met yin si iñó elos eta'l, elos sipaot nu yin nu kemwu apneni, ā wis nu yurol met mas nu kemwu :

36. Ā elos siyuk sel tu elos in kalye siske nuknuk lal : ā nu kemwu ſu kalye elos kela nu ſumosmos.

SAPTER XV.

NA met ſim ā met Farisi lun Jerusalem elos tuku nu yurin Jisus, fwakañ, 2. Efwo met tumom lutlut ku kanaosla kaskas matu lun met elder ? tu elos tiu tanla paolos ke elos moño bred.

3. Ā el tupokoañ ā fwak nu selos, Efwo komwos ku kanaosla pe ma ſap lun God ke kaskas matu lomwos ?

4. Tu God el ſap, fwakañ, Oru mwo nu sin papa tumom ā nine : ā, El ſu kaskas ko nu ke papa ā nine, lela lun miſenu misi.

5. Ā komwos fwak, Met ſu a fwak nu sin papa ā nine, Ma iñi oul, ña koflanu ſiot nu ſum ; 6. ā tiu oru mwo nu sin papa tumal ā nine kiel, *tari*. Ou iñi komwos kanaosla ma ſap lun God ke kaskas matu lomwos.

7. Mwoſounkas ! mwo ma Esaias el polyi ke komwos, fwakañ, 8. Met iñi elos kolkai yu ke oalulos, ā oru mwo nu sik ke ñasro : ā inſi- elos lusliki yu.

9. Ā elos ſuule ſunakin yu, luti me lutlut ma metu ſap.

10. Ā el pañon mu met puspis tukeni, ā el

fwak nu selos, Poroño, ā etu: 11. tiu kutu ma fwasyuk nu in oalin metu ora'l koluk ; ā kutu ma fwala likin oalu, ma iñi oru metu koluk.

12. Na met tumal lutlut elos tuku ā fwak nu sel, Ya kom etu tu met Farisi elos tugulkul, tukin kas si iñi ke elos loñ ?

13. Ā el tupokoañ ā fwak, Šak nu kemwu ma Papa tumuk šu in kosao el tiu eoki, fwa fwusak.

14. Lela elos in mutanu : elos met kun kol met kun. Ā met kun fwin kol met kun, eltal fwa putatla nu inlūfu.

15. Na Piter el tupokoañ, ā fwak nu sel, Luti nu šes pupulyuk si iñi.

16. Ā Jisus el fwak, Ya komwos ninukunla pe nu iñi ?

17. Ya komwos tiu etu nu iñi, tu ma nu kemwu ma fwasyuk nu in oalu šom nu inšie, ā fwa fwas nu fwin lāñō ?

18. Ā ma fwala likin oalu tuku inšie mi ; ma iñi oru metu koluk.

19. Tu ma nunkeyuk koluk, ma akmus, ma kosro, ma pukus, ma puse, ma kikiap, ma enum, elos tuke liki inšie : 20. ma iñi orek metu koluk : ā moño ke tiu tanla paus tiu orek metu koluk.

21. ¶ Na Jisus el šom liki, a fwas nu kute-nu an Tair ā Saidon.

22. Ā liye, mutan si Kenaan el tuke liki an

si iñi, ã wowoyuk nu sel, fwakañ. Pakomutuk : O Leum, Mwen nutin Devid ! an nutig el musin devil keokinu.

23. Ñ el tiu tupokot sie kas nu sel. Ñ met tumal lutlut elos tuku, ã siyuk sel, fwakañ, Sipa'l la ; tu el tuñnu tukos.

24. Ñ el tupokot ã fwak, Sipe yu la nu ke sip tula lun Israel mugenu.

25. Na el tuku ã ali nu sel, fwakañ, Leum, kase yu !

26. Ñ el tupokoañ ã fwak, Tiu mwo ke es bred nun tulig ã sisla nu sin kitin kosro ñaliñul.

27. Ñ el fwak, Ao, Leum, ã tu kitin kosro ñaliñul elos moño kutkut in bred ma putatla liki fwin tebue lun tuma.

28. Na Jisus el tupokoañ, ã fwak nu sel, We mutan, kom lalalfuñi ma lulap : ma oru nu šum oanu kom luñšom. Ñ an natu el kela ke auu si iñi.

29. ¶ Ñ Jisus el fwas liki an si iñi, ã tuku apkurun nu mwean Gali li ; ã utiuk nu fwin eola, ã mutanu we.

30. Ñ met puspis tukeni elos tuku nu yurol, wis oelulos met ul, met kun, met sikas, met fuke, ã met puspis pe, ã filelosla nu ke niin Jisus ; ã el akkei elos la : 31. ou iñi, tu met puspis tukeni elos lut, ke elos liye met sikas in fwak, met fuke in fwol, met ul in fwas, ã met kun in liye : ã elos kakšakin God lun Israel.

32. Na Jisus el pañon mu met tumal lutlut, ā fwak, Ņa pakomutun met puspis tukeni, tu elos mutu yuruk iñi len tolu, ā wañin me moño nelos: ā ña tiu luñsik sipa'los la ke lālo, fwin ou iñi elos fwa mulula ke elos šom.

33. Ā met tumal lutlut elos fwak nu sel, Ma ya bred puspis nes yin mesis oanu tu met puspis tukeni elos moño kūp?

34. Jisus el fwak nu selos, Srukwal yikas nomwosen? Ā elos fwak, Itkos, ā ik sisik pu.

35. Ā el šap met puspis tukeni in mutu in foko.

36. Ā el es srukwal itkos ā ik, ā ſuñ kulu, ā kunſalik, ā ſuñ nu sin met tumal lutlut, ā met lutlut elos ſuñ nu sin met puspis tukeni.

37. Ā elos nu kemwu moño, ā kūp: ā elos srukak luwen ma on kuom itkos sesesla.

38. Ā elos ſu moño oanu met mogul ao, sayen mutan ā tulig.

39. Ā el sipalik met puspis tukeni, ā sroauk nu fwin oaku, ā tuku nu kutenu an Magdala.

ŠAPTER XVI.

MET Farisi ā met Saddusi oelulos tuku, ā srifwe siyuk sel, tu el luti nu selos sie akul in kosaoe mi.

2. El tupokoañ ā fwak nu selos, Ke yikue, komwos fwak, len mwowo lutu, tu kosao sisa.

3. Ā ke lutue, Auf misiñi: tu kosao sisa ā kosra ſuyuk. We mwošounkas, komwos etu

mutun kosao ; ya komwos tiu ku in akulin kutu palu ?

4. Fwil koluk ã kosro ſuk nu akul ; a wañ-in nu akul oru nu ke mao, ã akul siewunu lun Jonas met palu. ã el fulelosi, ã ſomla.

5. ã ke met tumal lutlut elos tuku nu le-fwalo, elos mulkunla in wis bred.

6. Na Jisus el fwak nu selos, Liauñ ã sis-mouk me pulolak lun met Farisi ã met Saddusi.

7. ã elos asiuki inſielos, fwakañ, Ma iñi tu kut tiu wis bred.

8. Ke Jisus el etauk, el fwak, We komwos lalalfuñi ma sisik, efwo komwos ku asiuki inſium wos, tu komwos tiu wis bred ?

9. Ya komwos tiu etu iñi, tiu esam srukwal limikos lun met limu, ã kuom yikas komwos srukak ?

10. Ka srukwal itkos lun met ao, ã kuom yikas komwos srukak ?

11. Efwo komwos ku tiu etu tu ña tiu fwak nu ſumwos ke bred, tu komwos fwa sismouk me pulolak lun Farisi ã lun Saddusi ?

12. Na elos etu tu el tiu fwak, Sismouk ma pulolak lun bred, tu me lutlut lun Farisi ã lun Saddusi.

13. ¶ Ke Jisus el tuku nu kutenu an Sesaria Filippai, el siyuk sin met tumal lutlut, fwakañ, Ka met su fwak yu mu, Mwen nutin met ?

14. Ā elos fwak, Kutu mu, Kom Jon Baptist; kutu, Elaias; ā kutenu, Jeremaias, ku sie sin met palu.

15. El fwak nu selos, Ka komwos mu suo ñao?

16. Ā Saimon Peter el tupokoañ ā fwak, Kom Kraist, Mwen nutin God mol.

17. Jisus el tupokoañ ā fwak nu sel, Inši mwowo kom, Saimon Bar-jona: tu ikwe ā sa tiu luti ma iñi nu šum, tu Papa tumuk šu in kosao.

18. Ā ña fwak pe nu šum, Tu kom Piter, ā on fwin eot si iñi ña fwa miša šurš luk; ā mutun pot lun hell koflanu mokwela ke mao.

19. Ā ña fwa ſiot nu šum ki lun togusāi in kosao: ā ma kom fwa kopuri on fwalu fwa kopuri in kosao; ā ma kom fwa lusala on fwalu fwa lusala in kosao.

20. Na el ſap nu sin met tumal lutlut, tu elos in tiu fwak nu sin met tu el la Kraist payi.

21. ¶ Pal si iñi nu tuk Jisus el mutamwauk in luti nu sin met tumal lutlut, tu el a fwa ſom nu Jerusalem, ā lañuñuñ ma puspis ke met elder ā met tol fulat ā met ſim, ā uni'lye, ā siefwil molyuk ke len ſi aktolu.

22. Na Piter el kolilye, ā mutamwauk in kaiyuk nu sel, fwakañ, We mo, Leum, tiu ma iñi nu šum.

23. Ā el tapula, ā fwak nu sel Piter, Fwala

liki yu, Satan : kom aktugulkuli yu : tu kom tiu nunkauk ma lun God, tu ma nu lun metu.

24. Na Jisus el fwak nu sin met tumal lut-lut, Sienu met si fwin luñsi fwas tukuk, lela lun ſiefwanu lafwekunal, ā ſrukak ſaksiñ sugo lal, ā fwas tutuk.

25. Tu el ſu luñsi kolañi molol el fwa tūla mao : ā el ſu luñsi tūla molol keik el fwa konoiok mao.

26. Tu fuka mwo lun met, fwin fwal e nu kemwu ma lal, ā ñunal tūla ? ka mea met a ašuñ in aolla ñunal ?

27. Tu Mwen nutin met el fwa tuku in ma mwowo lun Papa tumal, lipufon lal elos oelul : ā na el fwa ſuñ mol nu sin met nu kemwu oanu me orek ma lalos.

28. Payinu ñia fwak nu ſumwos, Kutu met tu iñi, ſu tiu pulakin miñi, nu ke elos liye Mwen nutin met tuku in togusaï lal.

SAPTER XVII.

ATUKIN len onkos tari Jisus el ſuloltalu Piter, ā Jemes, ā Jon tamulel, ā wisalos-yuk nu fwin eol fulat muku.

2. Ā el ekla ye mutualos : ā mutual ſaromrom oanu fwatu, ā nuknuk lal fwosfwos oanu kalem.

3. Ā liye, Moses ā Elaias eltal sikmi nu yurolos kaskas nu sel.

4. Na Piter el tupokoañ ā fwak nu sin Jisus,

Leum, mwo tu kut mutanu iñi : kom fwin-luñsom, lela kem in orek tolu lom sra : sie šum, ā sie sin Moses, ā sie sin Elalias.

5. Ke el kaskas ou iñi, liye, sie pukunieñ ſaromrom lolelosye : ā liye pusra si kasmu in pukunieñ, fwak, El iñi Mwen kulu si nutig, ña inši mwowo ka'l, komwos loñol.

6. Ā ke met lutlut loñ, elos putatle fokſiufwi, ā ſañeñ lanu.

7. Ā Jisus el tuku ā kalalosye, ā fwak, Tu-kakak, ā tiu ſañeñ.

8. Ā ke elos ñetak mutualos, elos tiu liye met, Jisus mugenu.

9. Ā ke elos oatui fwin eola mi, Jisus el mwuleuñ nu selos, fwakañ, Nik mit fwak nu sin sie met ma komwos liye fwin-eola, nu ke Mwen nutin met miši siefwil molyuk.

10. Ā met tumal lutlut elos siyuk sel, fwakañ, Efwo met ſim ku fwak tu Elalias el a tuku met ? .

11. Ā Jisus el tupokoañ ā fwak nu selos, Payi Elalias el a tuku met, ā siefwil fulokunak ma nu kemwu.

12. Ā ña fwak nu ſumwos, Tu Elalias el tuku iñi, ā elos tiu eta'l, ā elos oru nu sel ma elos luñselos. Ouyape elos fwa ora'l Mwen nutin met keokinu.

13. Na met lutlut elos etu tu el fwak nu selos ke Jon Baptist.

14. ¶ Ā ke elos tuku nu yurin met puspis

tukeni, sie met tuku nu yurol sikukmutunti, ā fwakañ, 15. Leum, pakomutumwen nutig; tu el musin alwet, ā keokinu: tu pal puspis el putatle nu in e, ā puspis nu in kof.

16. Ā ña wis al nu yurin met tumom lutlut, ā elos koflanu akei el la.

17. Na Jisus el tupokoañ ā fwak, We fwil silalalfuñi ā silolel, putaka ña mutu yuromwos? putaka ña muten komwos? wis al nu yuruk.

18. Ā Jisus el kaiyuk nu sel devil; ā el fwas luk el: ā tulig el kela ke auu a ſa.

19. Na met lutlut elos tuku nu yurol Jisus muku, ā fwak, Efwo kem ku koflanu sis el la?

20. Ā Jisus el fwak nu selos, Tu komwos silalalfuñi: tu payinu ña fwak nu ſumwos, Koimwos fwin lalalfuñi oanu futin mustad si, komwos a fwak nu ke eol si iñi, Mwārla nu an si iñō; ā el fwa mwātla: ā wañin nu ma kofla nu ſumwos.

21. Ā ma ou iñi tiu ſom liki fwin tiu pre ā lālo.

22. Ā ke elos mutu yin Galili, Jisus el fwak nu selos, Mwen nutin met a fwa tukakinyik-yuk in pon metu: 23. ā elos fwa uni'lye, ā len ſi aktolu el siefwil molyuk. Ā elos pakomutu ma lulap.

24. ¶ Ā ke elos tuku nu Kepernaum, elos ſu es me takmu tuku nu yurol Piter, ā fwak, Ya met luti lomwos el tiu oru takmu?

25. El mu Aok. Ā ke el ilyuk nu in lom-wu, Jisus el ſa kusal, fwakañ, Saimon, mea kom nunku? togusa lun fwalu elos esla sin ſu me kūte ā mē takmu? ya sin tulig natalos, ka sin metſa?

26. Piter el fwak nu sel, Sin metſa. Jisus el fwak nu sel, Na tulig elos ſugoſok.

27. Tu ou iñi mu, tu kein tiu aktugulkul alos, kom ſom nu mwea, ā ſisla kou, ā es ik ſugo umetun; ā ke kom oaliñalik in oalul, kom fwa konoiok ipen muni si: ma iñi es, ā ſuñ nu selos ke ña ā kom.

ŠAPTER XVIII.

KE pal si iñó met lutlut elos tuku nu yurin Jisus, fwakañ, ſu ka yok liki in togusaï in kosao?

2. Ā Jisus el pañon mu kitin tulig nu yurol, ā fili'lye yurolos infulwe, 3. ā fwak, Payinu ña fwak nu ſumwos, Komwos fwin tiu ayaol nunok ā fwa oanu kitin tulig, komwos kofla-nu ilyuk nu in togusaï in kosao.

4. Tu ou iñi el ſu ſifwanu fwilpap ou kitin tulig si iñi, el iñi yok liki in togusaï in kosao.

5. Ā el ſu fwa es sie sin kitin tulig ou iñi in ēk el es yu pe.

6. Ā el ſu aktugulkulye sie sin tulig iñi ſu lalalfuñi yu, mwo nu sel tu tapañ srripsrip in kaiwel, ā el walomla yin lāl mwea.

7. We koluk fwalu ke me tugulkul! tu wañ-

in ma kutoñl tu me tugulkul in tiu tuku ; ā we koluk nu sin met ſu oru me tugulkul !

8. Tu ou iñi po'm ā nium fwin aktugulkuli kom, pakala mao, ā sisla liki kom, tu kom fwin ilyuk nu yin mol ke suke ā ke srumwun-la, mwo liki tu ke pom luo ā nium luo fwa sis-la nu in e kamwul.

9. Ā mutom fwin aktugulkuli kom, kom tupella, ā sisla liki kom : tu kom fwin ilyuk nu yin mol ke mutom si, mwo liki tu ke mutom luo fwa sisla nu in e in hell.

10. Sismouk tu komwos tiu sruñu sie sin tulig sisik iñi ? tu ña fwak nu ſumwos, Tu li-pufon lalos in kosao liye mutun Papa tumuk in kosao pal e nu kemwu.

11. Tu Mwen nutin met el tuku in moli matūla.

12. Komwos nunku ma fuka ? fwin ſip sie-fok nutin met si, ā sugo kaiñla, ya el tiu fili-ye eu-eu, ā ſom nu fwin eola, ā ſuk ma sugo kaiñla ?

13. Ā el fwin konoilok, payinu ña fwak nu ſumwos, el iñsi mwowo ke ma sugo, yokliki ke eu-eu ſu tiu kaiñla.

14. Ou iñi Papa tumomwos ſu in kosao el tiu luñsel tu sie sin ma sisik si iñi fwa tūla.

15. ¶ Ā met lium el fwin orek ma koluk nu ſum, kom fwasot ā kaskas nu sel ke ma koluk lal, kom ā el muku : el fwin loñ kom, kom moli met lium.

16. Ā el fwin tiu loñ, es sie ku luo in wi kom, tu ma kas nu kemwu ſumwos in olin met lo luo ā tolu.

17. Ā el fwin sañes loñ olos, fwakot nu sin ſurš: ā el fwin tiu loñ ſurš, lela lun nu ſum oanu met pegan ā met rošo.

18. Payinu ña fwak nu ſumwos, Ma nu kemwu komwos koperiye on fwalu fwa koperi in kosao; ā ma nu kemwu komwos tulala on fwalu fwa tulala in kosao.

19. Siefwilpe ña fwak nu ſumwos, Tu fwin luo ſumwos on fwalu nunok sugo ke kutu ma eltal siyuk, Papa tumuk ſu in kosao el fwa oru ma iñi nu ſeltal.

20. Tu yin met luo ku tolu tukeni mutu in ēk, ña oelulos mutu yin si iñó.

21. ¶ Na Piter el tuku nu yurol, ā fwak, Leum, pal yikas met lik orek ma koluk nu sik, ā ña nunok munas nu sel? ya nu ke pal itkos?

22. Jisus el fwak nu sel, Na tiu fwak nu ſum, Nu ke pal itkos: tu, Nu ke it-ñul pal itkos.

23. Tu ou iñi togusaï in kosao oanu sie togusa ſu luñsi lolñok nu sin met kulanšap sral.

24. Ā ke el mutamwauk in lolñok, elos wis nu yurol sie ſu es ſumwe mol muni sie-ñul-ſiu ma lal.

25. Ā ke wañin ma lal in moli, leum lal el

šap in kite'l la, â kīn natu, â tulig natal, â ma nu kemwu ma lal, â in te moli.

26. Ke ma iñi met kulanšap el putatla, â siyuknu sel, fwakañ, Leum, pako yu, â ña fwa moli nu šum nu kemwu.

27. Na leum lun met kulanšap 'iñō el pakomutal, â tula'l la â nunok munas nu sel ke me mol.

28. Ā met kulanšap iñi el šom liki, â konoiok sie sin met kulanšap wi el, ū es šumwe mol muni sie-fok sisik lal: â el sruki'lye, â iñeni in kaiwel, fwakañ, Moli nu sik ma luk.

29. Ā met kulanšap wi el, el putatla nu ke nial, â siyuk nu sel, fwakañ, Pako yu; â ña fwa moli nu šum nu kemwu.

30. Ā el tiu luñsel: â el šom â sis el la nu in prison, nu ke el fwa moli ma lal.

31. Ā ke kutu sin met kulanšap wi el elos liye ma oru, elos pakomutu ma lulap, â elos tuku â fwak nu sin leum lalos ma nu kemwu ma oru.

32. Na leum lal, tuk ke el pañolmu, el fwak nu sel, We kom met kulanšap koluk si, ña nunok munas nu šum nu kemwu ma luk, kom es sumwe mol, tu kom siyuk sik: 33. ya tiu mwo tu kom ouyape pakomutun met kulanšap wi yum; oanu ña pakomutom?

34. Ā leum lal el koskusok, â asalañ nu sin met me kopur, nu ke el moli nu kemwu ma lal.

35. Ā ou iñi Papa tumuk in kosao el fwa oru ouyape nu šumwos, komwos fwin tiu nunok munas inšiumwos ke ma koluk met liumwos oru.

ŠAPTER XIX.

A MA te oru, ke Jisus el kaskas ma iñi tarí, el fwas liki an Galili, ā tuku nu kutenú an Judea likin yeno Jordan ; 2. ā met puspis tukeni elos fwas tukol ; ā el akkei elos la iñó.

3. Met Farisi elos pe tuku nu yurol, in srifwe'l, ā siyuk sel, Ya oul ku tiu oul tu met sisla mutan kiel ke ma nu kemwu ?

4. Ā el tupokoañ ā fwak nu selos, Ya komwos tiu rid, tu el šu orala ke mutamwauk, el oralos mogul si ā mutan si, 5. ā fwak, Tu ou iñi met el fwa filiye papa ā nine, ā el fwa fwalseni kīn natu : ā eltal fwa ikwe šenu ?

6. Ke ma iñi tuko eltal tiu luo, tu ikwe šenu. Tu ou iñi ma God el fwalseni, lela met in tiu eselik.

7. Elos fwak nu sel, Ke ma iñi efwo ku Moses el šap in šuñ me šim lun sisila, ā in sis el la ?

8. El fwak nu selos, Moses el oru ma iñi nu šumwos in sisla kīn nutumwos tu upala inšiumwos : ā ma tiu ou iñi ke mutamwauk nu iñi.

9. Ā ña fwak nu šumwos, El šu fwa sisla

kīin natu, el fwin tiu kosro, ā fwa mari sienu, el orek kosro: ā el ſu mari el ſu ſisila, el orek kosro.

10. Met tumal lutlut elos fwak nu sel, Fwin ou iñi ke mogul ā kīin natu, tiu mwo in mari.

11. Ā el fwak nu selos, Nu kemwu koflanu es kas si iñi, elos mugenu El aši nu ke mao.

12. Tu kutu met yunuk, ma ou iñi ke elos isūsla inſien nine: ā kutu yunuk, ma met orek ke yunuk: ā kutu yunuk ſu ſifwanu orek yunuk ke togusai in kosao. El ſu ku in es ma iñi, lela lun es.

13. ¶ Na utuk nu yurol kitin tulig, tu El fwa filiye paul on fwelos, ā pre: ā met lutlut elos kaiyuk nu selos.

14. Ā Jisus el fwak, Lela kitin tulig in fwas nu yuruk, ā tiu ſipa'loswot; tu sin ma iñi togusai in kosao.

15. Ā el filiye paul fwelos, ā ſom liki.

16. ¶ Ā liye, sie tuku ā fwak nu sel, Met Luti Mwowo, Mea mwo ña oru, tu fwa luk mol ma patpat?

17. Ā el fwak nu sel, Efwo kom ku pañpañ ña Mwo? tu siewunu mwo, God inugenu: ā kom fwin luñſom ilyuk nu yin mol, liauñ oul payi.

18. El fwak nu sel, Oul ſu? Jisus el fwak, Nik kom akmus, Nik kom kosro, Nik kom pusupas, Nik kom kikiap, 19. Oru mwo nu sin

papa tumom ā nine : ā Kom luñšom met lom oanu kom ſifwanu.

20. Met fwus si el fwak nu sel, Ma nu kemwu ma iñi ña oru ke ña tulig nu iñi : pia kantu fwos ?

21. Jisus el fwak nu sel, Kom fwin luñšom oru ſumosmos lanu, fwasot kukakin ma lom, ā ſuñ nu sin met sigasrup, ā fwa kwanin tatū lom os in kosao : ā fwasu fwas tukuk.

22. Ā ke met fwus si loñ kas si iñi, el ſom asor : tu ma puspis ma lal.

23. Na Jisus el fwak nu sin tumal lutlut, Payinu ña fwak nu ſumwos, Tu upa lanu met gasrup ilyuk nu in kosao.

24. Ā siefwil pe ña fwak nu ſumwos, Tu kamel el fwas sasla mutun nilel fusesas liki met gasrup in ilyuk nu in togusai lun God.

25. Ke met tumal lutlut elos loñ, elos lut ma lulap, fwakāñ, Fwin ou iñi, ka ſu ku in mol ?

26. Ā Jisus liye elos, ā fwak nu selos, Metu elos koflanu oru ma iñi ; ā God el ku in oru ma nu kemwu.

27. Na Piter el tupokoañ ā fwak nu sel, Liye, kem filiye ma nu kemwu lumem, ā fwas tukum ; fuka ma lumem ke ma iñi ?

28. Ā Jisus el fwak nu selos, Payinu ña fwak nu ſumwos, Tu komwos ſu fwas tukuk ke siefwil isñsla, ke Mwen nutin met el fwa mutu fwin me muta mwowo si lal, komwos

pe fwa mutu fwin me muta sie-ñul-luo, nunun-ku sruf sie-ñul-luo lun Israel.

29. El a ſu filiye lomwu, ā lel, ā loul, ā papa, ā nine, ā kīin natu, ā tulig, ā fwalu, ke ēk, el fwa es kais sie-fok ka, ā fwa mutu in mol ma patpat.

30. Ā met puspis masi meta elos fwa masi tuko ; ā masi tuko elos fwa masi meta.

SAPTER XX.

TU togusāi in kosao oanu met kato si, ſu ſom olutue in ſulſul met in orek in ima fain si lai.

2. Ā ke el papani nu sin met orekma in mol penni si len si, el sipa'loswot nu in ima fain si lai.

3. Ā ke akurun auu si aktolu el ſom, ā liye kutenu tu mwul niin kutakot.

4. Ā el fwak nu selos, Komwos ſom pe nu in ima fain si, ā oanu ma payi ña fwa mol nu ſumwos. Ā elos ſomla.

5. El sifwil pe ſom ke akurun auu akonkos ā akeu, ā oru ouyape.

6. Ā ke akurun auu aksie-ñul-sie el ſomla, ā konoik kutenu tu mwul, ā fwak nu selos, Ef-wo komwos ku tu mwul iñi len fon si ?

7. Elos fwak nu sel, Tu wañin met painmu nu ſes. El fwak nu selos, Komwos fwasot pe nu in ima fain si ; ā ña fwa moli nu ſumwos ma payi.

8. Ā ke eukela, leum lun ima fain si el fwak nu sin met tutafpo lal, Kom pañonmu met orekma, ā ſuñ me mol nu selos, mutamwauk ma tuko nu meta.

9. Ā ke elos tuku ſu akurun auu aksie-ñul-sie, elos kemwu es penni si.

10. Ke masi meta tuku, elos nunku mu tu elos es yok liki ; ā elos kemwu es pe penni si.

11. Ā ke elos es, elos torkaskas nu ke met kato, 12. fwakañ, Met iñi tuk elos orek ma auu si, ā kom oru nu selos akfwolye nu ſes, ſu wis ma toas len fon si ā ke fwol.

13. Ā el tupokoañ nu sin sie selos, ā fwak, Kawuk, ña tiu sito nu ſum : ya kom tiu papani nu sik ke penni si ?

14. Es ma lom, ā fwasot : ña luñsik ſuñ nu sin masi tuko ou nu ſum.

15. Ya tiu payi nu sik in oru oanu ña luñsik ke ma luk ? Ya mutom koluk tu ña mwo ?

16. Ou iñi masi tuko fwa metla, ā masi meta fwa tukla : tu ma puspis pañonmu, ā ma pu ſulūla.

17. ¶ Ke Jisus el fwasyuk nu Jerusalem el wis met sie-ñul-luo lutlut muku in inganek ā fwak nu selos, 18. Liye, kut fwasyuk nu Jerusalem, ā Mwen nutin met a fwa tukakinyukyuk nu sin met tol fulat ā nu sin met ſim, ā elos fwa otela lun mas.

19. Ā elos fwa esalañ nu sin Met pegan in aknunta, ā popo, ā in uni'lye on ke ſaksiñ

sugo : à ke len si aktolu el fwa siefwil mol-yuk.

20. ¶ Na nine kīn tulig nutin Zebedi mwen luo natal oelul, el sinak, à siyuk kutu ma nu sel.

21. À El fwak nu sel, Mea kom luñšom ? El fwak nu Sel, Orauñ tu ìwen luo nutig eltal fwa mutu, sie on la pom leyut a sie on la pom lesi, in togusai lom.

22. À Jisus el tupokoañ à fwak, Komwos nikin ma komwos siyuk. Ya komwos ku in nim kup si ña' nimnim lū, à in baptaisla ke sie baptais ña wi baptaisla ka ? Elos fwak nu sel, Kut ku.

23. À el fwak nu selos, Aok, komwos fwa nim kup luk, à baptaisla ke sie baptais ma ña wi baptaisla ka : à in mutu on la pouk leyut, à on la pouk lesi, tiu ma luk in ašiot, tu ma lalos šu Papa tumuk akou.

24. À ke ma sie-ñul loñ, elos mulat nu sin met tamulel luo.

25. À Jisus el paññolos mi, à fwak, Komwos etu tu leum lun Met pegan elos oru oanu leum nu selos, à elos šu fulat elos šuñ me šap nu selos.

26. À fwa tiu ou iñi yuromwos ; à el šu luñši met fulat yuromwos, lela lun met tutafpo lomwos ; 27. à el šu luñši met leum yuromwos, lela lun met foko lomwos.

28. Oanu Mwen nutin met el tiu tuku tu

met oru nu sel, ã el oru nu sin met, ã in ſuñ mol lal in moli met puspis.

29. ¶ Æ ke elos ſomla liki an Jeriko, met puspis tukeni elos fwas tukol.

30. Æ liye, met luo kunla muta eltal mutu pupanek, ke eltal loñ tu Jisus el fwas alukela, eltal wowoyuk, fwakañ, O Leum, Mwen nutin Devid, pakomutetalu.

31. Æ met puspis tukeni elos kaiyuk nu seltal, tu eltal in misla: ã eltal wowoyuk yokliki, fwakañ, O Leum, nutin Devid, pakomutetalu.

32. Æ Jisus el tu, ã pañloltal, ã fwak, Mea komtal luñšomtal tu ña fwa oro nu ſumtal?

33. Eltal fwak nu sel, Leum, ketal kenu mutetal in ñatalik.

34. Æ Jisus el pakomutu, ã kalye mutaltal: ã kitin misiñi eltal liye, ã eltal fwas tukol.

ŠAPTER XXI.

A KE elos fwas apkurun nu Jerusalem, ã tuku nu yin Betfeš, nu fwin eol Olifs, na Jisus el sipaot met lutlat luo, 2. fwakañ nu seltal, Fwasot nu yin sisik met mutu we ye mutomtal, ã kitin misiñi komtal fwa konoiock ass sugo kopuri, ã kolt wi el: tulala, ã usi nu yuruk.

3. Æ met sinu fwin siyuk nu ſumtal kutu, komtal a fwak, Leum el enen eltal; ã kitin misiñi el fwa sipe'ltal mu.

4. Elos oru ma iñi nu kemwu, tu in orek ma payi ma met palu kaskas, fwakañ, 5. Komwos fwak nu sin an nutin Saion, Liye, Togusa lom el tuku nu yurom, moñfusas, ā mutu on fwin ass, ā kolt tulig nutin ass.

6. Ā met lutlut eltal šom, ā oru oanu Jisus el šapkin nu seltal, 7. ā usi ass, ā kolt, ā filiye yuroltal nuknuk lalos, ā elos fili'lye fwe.

8. Ā met puspis lanu tukeni elos lakunalik nuknuk lalos inganeku; ā kutenu poki lešak ulin šaku, ā takunalik oaoot ineku.

9. Ā met puspis tukeni ſu fwas met, ā ſu fwas tuk, elos woywoyuk, fwakañ, Hosana nu sin Mwen nutin Devid ! Inſi mwowo el ſu tuku in ēl Leum, Hosana in fulat liki nu kemwu !

10. Ā ke el tuku nu in Jerusalem, nu kemwu in siti elos rarrar, fwakañ, ſu iñi ?

11. Ā met puspis tukeni elos fwak, El iñi met palu lun Nazaret fulun an Galili.

12. ¶ Ā Jisus el utiuk nu in imwen tempel sin God, ā sis elos la nu kemwu ſu kutakot ā mol in imwen tempel, ā topkakunla tebue lun met ayaol muni, ā me mutu lun met kutakot mwulioa.

13. Ā el fwak nu selos, Ma ſimisla, Pañpañ lom luk Imwen pre; ā komwos orala mao inluf lun met pusupas.

14. Ā met kun ā met ul elos tuku nu yurol in imwen tempel; ā el akkei elos la.

15. Ā ke leum tol ā met ūsim elos liye kutu ma ūsokuruk ma el oru, ā tulig elos tuñwot in imwen tempel ! ā fwakañ, Hosana nu sin Mwen nutin Devid ! elos sruña lanu, 16. ā fwak nu sel, Ya kom loñ ma elos fwak ? Ā Jisus el fwak nu selos, Aok : ya komwos tiu rid, Kom orek on payi ke olin kitin tulig ā sromsrom ?

17. Ā el fwas lukelos, ā ūsom liki siti nu Beteni ; ā el on nu we.

18. ¶ Ā lutue, ke el foloko nu siti, el mu-sinsral.

19. Ā ke el liye ūsak fig sugó pupaneku, el fwas nu ka, ā konoiok tu wañinu ma on wulo, ā sra mugenu, ā el fwak nu ke mao, Lela fwako lun tiu kapak on wulo nu tuk ma patpat. Ā kitin misiñi ūsak fig masla.

20. Ā ke met lutlut liye, elos lut, fwakañ, Efwo ku ūsafuk ūsak fig masla !

21. Jisus el tupokoañ ā fwak nu selos, Payi-nu ñia fwak nu ūsumwos, Komwos fwin lalalfuñi, ā tiu silalalfuñi, komwos a fwa tiu ma iñi nu ke ūsak fig mugenu, tu komwos ouyape fwin fwak nu ke fwin eol si iñi, Kom fwa-la moklula in putatla nu mwea, ma fwa-oru.

22. Ā ma nu kemwu komwos siyuk ke pre, lalalfuñi, komwos fwa es.

23. ¶ Ā ke el tuku nu in imwen tempel, leum tol ā met elder lun met elos tuku nu yurol

ke el lutí, ã fwak, Ma ya ſap ſi kom orek makin ? ã ſu ſiot nu ſum ſap ſi iñi ?

24. Á Jisus el tupokoañ ã fwak nu ſelos, Ña pe siyuk ſumwos ſie mao, komwos fwin fwak nu ſik mao, ña fwa ore pe nu ſumwos ma ſap ſi ña orek makin.

25. Tu ya baptais lun Jon ? in koſaoe mi, ku yurin metu ? Á elos tukeni asiuki, fwakañ, Kem fwin fwak, In koſaoe mi ; El a fwa siyuk nu ſes, Efwo komwos ku tiu lalalfuñol ?

26. Á kem fwin fwak, Ma yurin met mi ; kem ſañeñ ſin met ; tu elos nu kemwu nunku mu Jon el met palu.

27. Á elos tupokoañ nu ſin Jisus, ã fwak, Kem koſlanu fwak. Á el fwak nu ſelos, Ña pe tiu fwak ma ya ſap ſi ña oru ma iñi.

28. Á mea komwos nunku ? Mwen luo nu-tin met ſi ; ã el tuku nu yurin masi meta, ã fwak, Mwen, fwasot orekma misiñi in ima fain ſi luk.

29. El tupokoañ ã fwak, Ña tiu ſom ; ã tuko el auliyuk, ã ſom.

30. Á el tuku nu yurin masi akluo, ã el fwak ouyape. Á el tupokoañ ã fwak, Ao, leum ; ã el tiu ſom.

31. Ka ſu ſeltal iñi oru oanu papa el luñsel ? Elos fwak nu sel, Masi meta. Jisus el fwak nu ſelos, Payinu ña fwak nu ſumwos, Tu met roño ã met koſro elos ilyuk nu in togusai lun God met ã komwos tuk.

32. Tu Jon el tuku nu yuromwos nu inganek lun ma payi, ā komwos tiu lalalfuñol ; ā met rošo ā met kosro elos lalalfuñol : ā komwos, ke komwos liye, tiu auliyuk tuk, tu komwos fwa lalalfuñol.

33. ¶ Komwos loñ sienu pupulyuk : Sie met kato šu eoki ima fain si, ā orek kolkol apneni, ā pukpuk ma fulüye wain lü, ā muša ni yin řan met, ā sipauñ kutu met kato in liauñ ā el řom nu yin lulisla.

34. Ā ke pal si fwako akurun tuku, el sipala met kulanšap lal nu sin met kato, tu elos fwa es fwako ka.

35. Ā met kato elos es met kulanšap lal, ā popo sie, ā uniye sie, ā tuñal sie.

36. Siefwil pe, el sipala kutenu met kulanšap pus liki meta : ā elos oru nu selos ouyape.

37. Ā, o-tuk, el sipala nu selos mwen natal, fwakañ, Elos a fwa řunakin mwen nutig.

38. Ā ke met kato elos liye mwen, elos tuke-ni kaskas, El iñi met mwol : fwasu, lela kut in uni'lye, ā lela kut srukie es ma lal.

39. Ā elos sruki'lye, ā sis el la liki ima fain si, ā uni'lye.

40. Tu ou iñi ke leum lun ima fain si tuku, mea el fwa oru nu sin met kato iñó ?

41. Elos fwak nu sel, El a fwa un'elosi kolukla met koluk iñó, ā el a fwa řuñ ima fain si nu sin kutenu met kato, řu fwa oru nu sel fwako ke pal fwol si.

42. Jisus el fwak nu selos, Ya komwos tiu
rid in ma simisla, Eot si ma met muña sisila,
eot si iñi on fwin ſiufwin ſrumwosrik in
eot: ma iñi ma Leum oru, ã ma ſokuruk in
mutas ?

43. Tu ou iñi ña fwak nu ſumwos, God el
fwa esla togusaï lal liki komwos, ã ſuñ nu sin
mutun fwalu ma orek fwako ke.

44. Ñ el ſu fwa putatla on fwin eot si iñi
fwa miſalſalu: ã on fwel ſu eot si iñi fwa
putatla, mao fwa ililye nu ma ſisik.

45. Ñ ke leum tol ã met Farisi elos loñ pupul-
yuk lal, elos etu tu el kaskas nu ke elos.

46. Ñ ke elos ſuk in ſruki'lye, elos ſañeñ met
puspis tukeni, tu elos es el met palu.

SAPTER XXII.

AJISUS el siefwil tupokoañ ã kaskas nu se-
los in pupulyuki, ã fwak, 2. Togusaï
in kosao oanu sie togusa, ſu orek mari lun
mwen natal, 3. ã ſipala met kulansap lal in
pañolos mi ſu ſulkakin met nu ke akonkon:
ã elos ſañes tuku.

4. El siefwil ſipaot kutenu met kulansap,
fwakañ, Orauñ nu selos ſu ſulkakin, Liye, ña
akou me moño nuk tari; kauu mogul luk ã
puspisinu luk elos uniye tari, ã ma nu kemwu
ako: fwasu nu ke akonkon.

5. Ñ elos mu mansis, ã ſomla, sie nu ke ima
si lal, sie nu ke me kitakot lal: 6. ã kutenu

selos elos es met kulanšap lal, ā orek ma koluk lanu nu selos, ā onelosi.

7. Ā ke togusa el loñ, el koskusok : ā el sipaot met meun lal, ā onelosla met akmus iñó, ā furreuk siti selos.

8. Na el fwak nu sin met kulanšap lal, Akonkon ako, ā elos šu sulkakin met tiu mwo.

9. Tu ou iñi komwos fwasot nu inganek, ā ma nu kemwu komwos konoiok, ſuloimu nu ke akonkon.

10. Ā met kulanšap iñi elos šom nu inganek, ā eseni nu kemwu ma elos konoiok, ma mwo, ā ma koluk ; ā pus metu tari wi el nu ke akonkon.

11. Ā ke togusa el tuku in liye'los šu wi el, el liye met si wañin nuknuk in akonkon el nukomañ.

12. Ā el fwak nu sel, Kawuk, efwo kom ktuku nu yinu, tiu nukomañ nuknuk in akonkon ? Ā el tiu kas.

13. Na togusa el fwak nu sin met kulanšap, Kopuri'lye paul ā nial, ā wis el la, ā sisla nu yin los liki losu : yin a tuñnu ā ñañorñor.

14. Tu ma puspis pañon mu, ā ſuloila ma pu.

15. ¶ Na met Farisi šom, ā elos tukeni kaskas fuka elos fwa akfosye'lak ke kaskas.

16. Ā elos sipaot nu yurol met tumalos lutlut, oelulos met Herod fwakañ, Met luti, kem etu tu kom payi, ā luti inek lun God payinu, ā

kom tiu kolak sin met; tu kom pulesu monin metu.

17. Tu ou iñi kom fwak nu šes, Mea kom nunku? Oul ku tiu oul, in ſuñ takmu nu sin Sisar?

18. Ā Jisus el etu ma koluk lalos, ā fwak, Mwošounkas, efwo komwos ku srifwe yu?

19. Luti nu sik muni takmu. Ā elos ūis nu yurol penni si.

20. Ā el fwak nu selos, Mutun ſu iñi, ā ſimisyukla?

21. Ā elos fwak nu sel, Lun Sisar. Na el fwak nu selos, Tu ou iñi oru nu sin Sisar ma lun Sisa, ā nu sin God ma lun God.

22. Ke elos loñ, elos lut, ā fwas luk el, a ſomla.

23. ¶ Len si iñi met Saddusi, ſu fwak wañ-innu ma ſiefwil molyuk, elos tuku nu yurol, ā ſiyuk sel, 24. fwakañ, Met luti, Moses el fwak, Met si fwin miši, wañin tulig natu, met lel el fwa mari mutan kiel, ā oreuk fute lun met lel.

25. Ā umet tamulel itkos mutu yuros: ā masi meta, ke el mari sie mutan, el miši, ā wañin fute, el likiye mutan kiel nu sin met lel:

26. Ouyape masi akluo, ā aktolu, nu ke akitkos.

27. Ā tukolos nu kemwu mutan el miše pe.

28. Tu ou iñi, pal si ke ſifwil molyuk, lun ſu mutan si iñi ke met itkos? tu elos nu kemwu es el.

29. Jisus el tupokoañ ã fwak nu selos, Komwos sito, tiu etu ma Šimisla, ã tiu etu ku lun God.

30. Tu ke siefwil molyuk elos tiu mari, ã tiu ſuñ in mari, tu elos oanu lipufon lun God in kosao.

31. Ñ ke siefwil molyuk lun met miši, ya komwos tiu rid ma God el kaskas nu ſumwos, fwakañ, 32. Na God lun Ebream, ã God lun Aisaak, ã God lun Jekob ? God el tiu God lun miši, tu lun mol.

33. Ñ met puspis tukeni ke elos loñ *ma ini*, elos kakšak ke ma lutlut lal.

34. ¶ Ñ ke met Farisi loñ tu el orek met Sad-dusi in misla, elos tukeni mutu.

35. Na sie selos, met manu, el siyuk sel, sri-fw'el, 36. Met luti, ka ſap ſu yok in manu ?

37. Jisus el fwak nu sel, Kom luñšom Jeova God lom ke inſium kemwu, ã ke in ñunum kemwu, ã ke in nunkom kemwu.

38. Ma si iñi masi meta ã ma yok ke ſap.

39. Ñ masi akluo ouyape, Kom luñšom met lom ou kom ſifwanu.

40. On fwin ma ſap luo iñi "sripsrip ma nu kemwu manu ã palu.

41. ¶ Ñ ke met Farisi elos tukeni mutu, Jisus el siyuk selos, 42. fwakañ, Mea komwos nunku k'el Kraist ? el mwen nutin ſu ? Elos fwak nu sel, Nutin Devid.

43. El fwak nu selos, Na fuka Devid in ñun

pañpañ el Leum, fwakañ, 44. Jeofa el fwak nu sin Leum luk, Kom mutu on le pok leyut, nu ke pal si ña orek lokwalok lom me laño ye nium ?

45. Na Devid el fwin pañpañ el Leum, fuka el mwen natal ?

46. Ā wañin met ku in tupokoañ nu sel sie kas ; wañin met pulaik in siyuk sel kuntu ma, len si iñi nu tuk.

SAPTER XXIII.

NA Jisus el fwak nu sin met puspis tukeni, ā nu sin met tumal lutlut, 2. fwakañ, Met šim ā met Farisi elos mutu fwin niin mutu lun Moses : 3. tu ou iñi ma nu kemwu ma elos šap komwos in liauñ, komwos liauñ ā oru ; ā komwos tiu oru oanu elos oru : tu elos fwak, ā tiu oru.

4. Tu elos polñuni enu toas, ā toas ke utuk, ā filiye fwin pišin metu ; ā elos tiu luñsi moklōla mao ke sugo kufin paulos.

5. Ā ma nu kemwu ma elos oru, elos oru tu met in liye: elos orek ma failakteri sralap lalos, ā orek ma lulap siskin nuknuk lalos, 6. ā elos luñselos mutu ye op niin kofwo, ā niin mutu lun leum in lolñok, 7. ā paiñ niin kitakot, ā met in pañolos, Rabbai, Rabbai.

8. Ā komwos tiu pañon komwos Rabbai : tu sie met luti lomwos, Kraist ; ā komwos nu kemwu met lili.

9. Ā wañin met komwos pañon papa tumomwos on fwalu : tu sie Papa tumomwos, ū in kosao.

10. A komwos tiu pañon komwos met lutí : tu sie Met lutí lomwos, Kraist.

11. Ā el ū yok liki nu kemwu yurumwos, el fwa met kulanšap lomwos.

12. Ā el ū kaifwaf nunku, fwa foroti ; ā el ū ſifwanu fwilpap, fwa mwo oiye.

13. ¶ We nu ū sumwos, met ū sim ā met Farisi, mwošounkas ! tu komwos kaliye togusaï in kosao ye mutun metu : tu komwos tiu ilyuk nu we, ā komwos tiu lela elos in ilyuk ū fwas nu we.

14. We nu ū sumwos, met ū sim ā met Farisi, mwošounkas ! tu komwos kanaosla lom sin kotin mas, ā tū kiapun pre lulis : tu ou iñi komwos es lusla lulap.

15. We nu ū sumwos, met ū sim ā met Farisi, mwošounkas ! tu komwos mutatu apneninu mwea ā fwalu in orek sie in forla ; ā ke komwos oru, komwos ora'l tulig nutin hell ka luo nu ū sumwos.

16. We nu ū sumwos, met atol kun, ū fwak, el ū fulak ke imwen tempel, mansis ; ā el ū fulak ke gol lun imwen tempel el fwa mol.

17. Met lalfon, ā met kun ! ka ū yok liki, gol, ku imwen su orek gol in mwole ?

18. Ā, el ū fulak ke lāñ, mānsis ; ā el ū fulak ke kiše ma on fwe, el fwa mol.

19. Met lalfon, ā met kun ! ka ſu yok liki, kiſe, ku lāñ ſu orek kiſe in mwole ?

20. Tu ou iñi el ſu fulak ke lāñ, el fulak ke mao, ā ke ma nu kemwu on fwe.

21. Ā el ſu fulak ke imwen tempel fulak ke mao, ā ke El ſu mutu lū.

22. Ā el ſu fulak ke in kosao, fulak ke niin mutu lun God, ā ke el ſu mutu fwe.

23. We nu ſumwos met ſim ā met Farisi, mwoſounkas ! tu komwos mol masi aksie-ñulka orun, ā anis, ā kumin, ā tiu oru ma yok kutu ke manu, ke nununku, ke pakomutu, ā ke la-lalfuñi : mwo komwos oru ma iñō meta, ā tiu sisla ma iñi tuko.

24. Komwos met atol kun ! ſu nomosol kitin mwet sisik, ā igumnu kaka sisik kosro kamel.

25. We nu ſumwos, met ſim, ā met Farisi, mwoſounkas ! tu komwos oru nasnas likin kup si ā pulet si, ā lū elos tiñtiñinu ma koluk ā ma ſilolel.

26. Farisi kun ! met kom orek nasnas lüin kup si ā pulet si, tu lik elos fwa nasnas ouyape.

27. We nu ſumwos, met ſim ā met Farisi, mwoſounkas ! tu komwos oanu inkulyuk fwos-fwos, aok oanu ma mwowo lik, ā lū tiñtiñinu sri in mas, ā sipoklot lanu.

28. Ā komwos ouyape lik oanu ma payi nu sin metu, ā inſiumwos tiñtiñinu ma mwoſounkas ā ma koluk lanu.

29. We nu ſumwos, met ſim ā met Farisi, mwoſounkas ! tu komwos muſa inkulyuk lun met palu, ā oru mwolanu inkulyuk lun met payi, 30. ā fwak, Kem fwino mutu in len lun papa tumus, kem tiu oelulos in es san met palu.

31. Ou iñi komwos met lo nu ſumwos, tu komwos tulig natalos ſu uniye met palu.

32. Na komwos nakla tupin sigasok lun papa tumomwos.

33. Komwos serpent, ā fwil lun faiper ! fuka komwos a fwas liki sisila nu in hell ?

34. Ke ma iñi, liye, ña sipaot nu ſumwos met palu, ā met lalmetmet, ā met ſim : ā kutu selos komwos fwa uniye ā uni on ke ſaksiñ sugo ; ā kutu selos komwos onel in lolñok lomwos, ā kolyai in siti nu in siti.

35. Tu sa payi nu kemwu kaki nu fwalu fwa tuku nu fwomwos, san Ebel mi met payi nu ke san Zakaraias mwen nutin Barakaias, ſu komwos uniye in maslon imwen tempe ā lāñ.

36. Payinu ña fwak nu ſumwos, Ma nu kemwu ma iñi fwa tuku nu fwin fwil si iñi.

37. O Jerusalem, Jerusalem, ſu uniye met palu, ā tuñlalos ſu sipeyuk mi nu yurum, fuka pal puspis ña luñsik ſifweni tulig nutom, oanu mwonyen el ſifweni trokrok natu ye paul, ā komwos siluñsi !

38. Liye, lom ſum on wañin karwuñinye.

39. Tu ña fwak nu šumwos, Komwos a fwa tiu liye yu nu tuk, nu ke komwos fwak, Inši mwowo el šu tuku in ēl Leum.

SAPTER XXIV.

A JISUS el šom, ā fwas liki imwen tem-pel: ā met tumal lutlut elos tuku in lu-ti nu sel inte im ke imwen tempel.

2. Ā Jisus el fwak nu selos, Ya komwos tiu liye ma nu kemwu ma iñi? Payinu ña fwak nu šumwos, An si iñi a fwa wañin eot si on fwin sie eot, ma a fwa mogukla nu kemwu.

3. Ā ke el mutu on fwin eol Olifs, met lutlut elos tuku nu yurol muku, fwakañ, Lute nu šes, pal ya si ma iñi a fwa oru? ā mea akulin ke kom tuku, ā ke safla fwalu?

4. Ā Jisus el tupokoañ ā fwak nu selos, Kom-wos sismouk tu met tiu kiape komwos la.

5. Tu ma puspis fwa tuku in ēk, fwakañ Na Kraist; ā elos fwa kiapala met puspis.

6. Ā komwos fwa loñ meun, ā kušan meun: liauñ tu komwos tiu fosña: tu ma nu kemwu iñi te oru met, ā safla šumwe tuku.

7. Tu met fwal si tuyuk lain sie met fwal, ā togusai lain togusai: ā a fwa sral, ā lolo, ā fwalu rarrar, in kutu an.

8. Ma nu kemwu iñi mutamwauk in ašor.

9. Na elos fwa es komwosyuñ in akkolukye komwos, ā a fwa uni komwosye: ā fwal nu kemwu fwa sruñe komwos ke ēk.

10. Ā na ma puspis fwa tugulkul, ā sie fwa tukakunak sie, ā sie fwa sruñu sie.

11. Ā met palu puspis sito fwa tuku, ā fwa kiapala met puspis.

12. Ā tu os nu ma koluk, luñ lun met puspis fwa musis kutu.

13. Ā el ſu oru mwo nu ke safla, el iñi fwa mol.

14. Ā mwo ſaſu iñi lun togusaï fwa sulkakin in fwal e nu kemwu ke ma lo an nu kemwu : ā na safla a fwa tuku.

15. Tu ou iñi, ke komwos fwa liye ma koluk lanu lun ma kanaos lanu, ma Daniel met paſu el fwak, tu yin mutual (el ſu rid, lela lun etu :) 16. na lela elos ſu mutu in Judea in kasus ſom nu fwin eola.

17. Lela el ſu on fwin mañon lomwu tiu tuku fwuni in es kutu ma likin lom sel.

18. Ā el ſu mutu in ima si tiu foloko · in es nuknuk lal.

19. Ā we koluk nu selos ſu putete, ā nu selos ſu ſuñ titi in len iñō !

20. Ā pre tu komwos tiu kasus ſom ke pal musis, ā ke len sabbat : 21. Tu na fwa fosñala ma lulap, oanu met tiu liye ke mutamwauk fwalu nu iñi, mo, ā nu tuk.

22. Ā fwin tiu oru len iñō ma fototo kutu, wañin nu ikwe in mol : ā ke met ſulūla len iñō orani in fototo eni kutu.

23. Na kutenu met fwin fwak nu ſumwos,

Liye, Kraist iñi, ku iñó; komwos tiu lalal-fuñi.

24. Tu Kraist sito fwa tuku, ā met palu sito, ā elos fwa lutí akul lulap ā ma šokuruk; tu ou iñi, fwin ku, elos fwa kiapala met šula.

25. Liye, ña fwak nu šumwos met.

26. Tu ou iñi elos fwin fwak nu šumwos, Liye, El os yin mesis: komwos tiu šom: Liye, El os in fokil lukma; komwos tiu lalal-fuñi.

27. Tu oanu šarom tuku yin fwatu sikuwe, ā šaromromla yin fwatu tili we; ouyape ke Mwen nutin met el fwa tuku.

28. Tu yin kolak on we, an si iñi mwon igel elos fwa tukeni šokšok.

29. Kitin misiñi tuko ke fosña lanu in len iñó fwatu fwa losla, ā malem-tiu šuñ kalem lal, ā itu elos fwa putatla in kosaoe mi, ā ku in kosao elos fwa kususus,

30. Ā na akul lun Mwen nutin met fwa sikmi in kosaoe mi: ā na sruf nu kemwu fwalu elos ašor, ā elos fwa liye Mwen nutin met el tuku in pukunieñ in kosao, ke ku ā ma mwo-wo ma lulap.

31. Ā El fwa sipala lipufon lal ke pusren ugug lulap; ā elos fwa eseni met šula lal yin eñ akos mi, yin tafwun kosa iñó mi nu tafwun kosa iñi.

32. Iñi lutlut pupulyuk ke šak fig: ke le

šak lal sruk maños, a sra srunak, komwos etu akurun pal fwol.

33. Ā ouyape, ke komwos fwa liye ma nu kemwu ma iñi, komwos etu tu apkurun nu mutun oaoa.

34. Payinu ña fwak nu šumwos, Fwil si iñi tiu alfukfukla nu ke ma nu kemwu ma iñi orek tari.

35. Kosao ā fwalu fwa wañinla, ā kaskas luk tiu wañinla.

36. ¶ Ā len si iñó ā auu si wañinu met etu, ā tiu lipufon in kosao, tu Papa tumuk mugenu.

37. Ā oanu len lun Noa, ā ouyape ke Mwen nutin met el fwa tuku.

38. Tu oanu len met šaloñla tuk, elos moño ā nim, mari ā šuñ in mari, nu ke len si Noa el sroauk nu fwin oaku, 39. ā elos tiu etu, nu ke šaloñla tuku, ā es elos la nu kemwu ; ouyape ke Mwen nutin met el fwa tuku.

40. Na met luo mutu in ima si ; esla sie, ā filiye sie.

41. Mutan luo ilye ke me ilil si ; esla sie, ā filiye sie.

42. ¶ Tu ou iñi šano ; tu komwos tiu etu auu ya si Leum lom a tuku.

43. Ā komwos etu ma iñi, tu met kato in lomwu el fwino etu la auu ya si met pus a tuku, el fwa šano, ā tiu fulela lom sel in mišala.

44. Tu ou iñi komwos in ako pe, tu ke auu

si komwos tiu nunku, Mwen nutin met el a tuku.

45. Na ſu met kulanſap payi ā lalmetmet, ſu leum lal ora'l lun fwa'l nu ke kwanun lom sel, in ſuñ me moño nelos ke pal fwol si ?

46. Inſi mwovo met kulanſap iñó, ſu leum lal, ke el tuku, el fwa konoilok in oru ou iñi.

47. Payinu ñia fwak nu ſumwos, tu el fwa ora'l lun fwa'l ke ma nu kemwu ma lal.

48. Ā met kulanſap koluk iñi el fwin kaskas inſiel, Leum luk patlanu in tuku ; 49. ā el mutamwauk in popo kutenu met kulanſap wi, ā oelulos met srui in moño ā nim ;

50. Leum lun met kulanſap iñi el fwa tuku in len si ke el tiu ſano'l, ā in auu si ke el tiu etu, 51. ā el fwa otelalik, ā oru ma lal wi met mwoſounkas : yin a fwa tuñnu ā ñañor-ñor in mwusi.

SAPTER XXV.

NA togusaï in kosao fwa oanu mutan ſie-ñul ſu tiu etu met, ſu es lam lalos, ā ſom in ſun met pusla.

2. Ā limikos selos lalmetmet, ā limikos lalfon.

3. Elos ſu lalfon es lam lalos, ā tiu es oil oelulos.

4. Ā lalmetmet elos es oil in maſe wi lam lalos.

5. Ke met pusla patla in tuku, elos nu kemwu metkel ā motul.

6. Ā ke infulwin foñ elos mwonak, We liye, met pusla el tuku ; komwos fwasot in ſunol.

7. Na mutan nu kemwu ſu tiu etu met elos tukakak, ā akoala lam lalos.

8. Ā lalfon elos fwak nu sin lalmetmet, Si las kutu oil lomwos, tu lam las a kunla.

9. Ā lalmetmet elos tupokot, fwakañ, Fwin ou iñi tiu yok in las ā lomwos : ā mwo komwos fwasot nu yurin met kitakot, ā mol ma lomwos.

10. Ā ke elos ſom in mol, met pusla el tuku ; ā elos ſu ako ilyuk oelul nu ke mari : ā mutun oaoa kauli.

11. Tuk kutenu mutan ſu tiu etu met elos tuke pe, fwakañ, Leum, Leum, igasha nu ſes.

12. Ā el tupokoañ ā fwak, Payinu ña fwak nu ſumwos, Ña tiu ete komwos.

13. Tu ou iñi, ſano, tu komwos tiu etu len si ā auu si ke Mwen nutin met el tuku.

14. ¶ Tu togusäi in kosao oanu met fwa-fwasyis nu yin lulisla, el pañon mu met kulanſap lal, ā ſuñ ma lal nu selos.

15. Ā el ſuñ nu sin sie talen limikos, ā nu sin sie luo, ā nu sin sie sie : nu sin met nu kemwu oanu elos etu oreye ; ā kitin misiñi el ſomla.

16. Na el ſu es talen limikos el ſom kuka-kin ma iñi, ā oru talen limikos pe.

17. Ā ouyape el ſu es luo, el ouyape oru luo pe.

18. Ā el ſu es sie, ſom ā pukinye in foko, ā mwukunla muni lun leum lal.

19. Ā pat lanu tuk, leum lun met kulanſap iñi el folokla, ā lolñok nu selos.

20. Ā el ſu es talen limikos tuku, ā usi talen limikos pe, fwakañi, Leum, kom asi nu sik talen limikos; liye, ña siefwil oru talen limikos pe.

21. Leum lal el fwak nu sel, Mwonu, met kulanſap mwo ā payi: mwo ma pu kom liauñi, ña fwa orek kom in fwu ma puspis: kom ilyuk nu yin eñun lun leum lom.

22. Ouyape el ſu es talen luo tuku, ā fwak, Leum, kom asi nu sik talen luo: liye, ña siefwil oru talen luo pe.

23. Leum lal el fwak nu sel, Mwonu, met kulanſap mwo ā payi: mwo ma pu kom liauñi, ña fwa orek kom in fwu ma puspis: kom ilyuk nu yin eñun lun leum lom.

24. Na el ſu es talen si tuku, ā fwak, Leum, ña ete kom tu kom met upa si, kosrūni oiya kom tiu siselik, ā eseni oiya kom tiu oskoilik:

25. Ā ña ſañeñi, ā ſom, ā mwukunla talen lom in foko; liye, es lom.

26. Leum lal el tupokoañ ā fwak nu sel, Met kulanſap koluk ā alsañes, kom etu tu ña kosrūni oiya ña tiu siselik, ā eseni oiya ña tiu oskoilik: 27. Ke ma iñi mwo tu kom filiye muni luk nu yurin banker, ā ke ña tuku ña fwa es ma luk ā kute pe.

28. Tu ou iñi esla talen si luk el, ã šuñ nu sel šu la talen sie-ñul.

29. Tu nu sin šu kutu ma la šuñ pe kutu, ã el fwa os ma lal : ã yurol mi šu wañin ma la fwa esla ma lal luk el.

30. Ñ komwos sisla met kulanšap alsañes nu yin los liki losu : nu iñó fwa tuñnu ã ñañor-ñor in mwusi.

31. ¶ Ke Mwen nutin met el fwa tuku in ma mwowo lal, ã lipufon mutual nu kemwu oelul, na el fwa mutu fwin niin mutu mwowo si lal : 32. ã met an nu kemwu fwa tukeni mutu ye mutual ; ã el fwa es elos elik sie sin sie, oanu met sropu liye šip esla šipe liki gotu : 33. Ñ el fwa filiye šipe on le paul leyut, ã gotu on le paul lesi.

34. Na togusa el a fwak nu selos on le paul leyut, Fwasu, komwos met mwonus lun Papa tumuk, mutu yin akola nu šumwos u-mi ke srosla fwalu : 35. tu ña musinsral, ã komwos kitu yu me moño ; ña malu, ã komwos si kof nimuk : ña metša, ã komwos šuli yu yuk :

36. Ña koflufol, ã komwos si nuknuk ña nukomañ : ña mas, ã komwos fwas nu yuruk ã mutu : ña mutu in prison ã komwos tuku nu yuruk.

37. Na met payi elos tupokot nu sel, fwakañ Leum, kem liye kom ke kom musinsral, ã kite nom ña ? ku malu, ã kite nimom ? 38. ña kem liye kom metša, ã šuli kom yuk ? ku ko-

flufol, ā nukom kom la? 39. ku kem liye kom mas, ku in prison ā tuku nu yurom ūa?

40. Ā Togusa el a tupokoañ ā fwak nu selos, Payinu ūa fwak nu ſomwos Tu oanu ke komwos oru ma iñi nu sin sie met sisik sin ma lik komwos oru nu sik.

41. Na el a fwak pe nu selos on le paul lesi, Fwasot liki yu, komwos, met luſla, fwasot liki yu nu in e kamwul ma patpat, akola sin devil ā lipufon lal.

42. Tu ūa musinsral, ā komwos tiu kiti yu me moño: ūa malu, ā komwos tiu si kof nimuk: 43. ūa met ſa, ā komwos tiu ſuli yu yuk; koſluſol, ā komwos tiu si nuknuk ūa nukomañ: mas, ā in prison, ā komwos tiu tuku nu yuruk.

44. Na elos ouyape tupokot nu sel, fwakañ, Leum, ka kem liye kom kom la musinsral ūa? ku malu, ku met ſa, ku koſluſol, ku mas, ku in prison ā tiu oru nu ſum?

45. Na el tupokot nu selos fwakañ, Payinu ūa fwak nu ſumwos, Tu oanu ke komwos tiu oru nu sin sie ma sisik iñi, Tu ouyape ke komwos tiu oru nu sik.

46. Ā elos iñi fwa ſomla nu yin uniye ma patpat: ā met payi nu yin mol ma patpat.

SAPTER XXVI.

A MA iñi te oru, ke Jisus el kaskas nu kem-wu ma iñi tari, el fwak nu sin met tu-

mal lutlut, 2. Komwos etu tu ke tukin len luo kofwo lun alukela, ā Mwen nutin met fwa tukakinyukyuk in uniye on ke ūaksiñ sugo.

3. Na leum tol, ā met ūsim, ā met elder lun met, elos tukeni nu in maslon lom sin leum tol, pañpañ Kaifas, 4. ā elos tukeni papu fuka elos fwa es Jisus ke kiapu, ā uni'lye.

5. Ā elos fwak, Tiu ke kofwo, tu fwin ou iñi met elos tukeni mwowon.

6. ¶ Ā ke Jisus el mutu yin Beteni, in lom sin Saimon met leper, 7. sie mutan el tuku nu yurol wis boken alabaster lun kūar mwo-wo si, ā el okoiya nu fwin ūiufwel, ke el foñ-yuñ moño.

8. Ā ke met tumal lutlut liye, elos siluñši lanu, fwakañ, Efwo ku sisla ma iñi ?

9. Tu kem ku in kitakot kūar iñi ka puspis, ā kitala nu sin met sigasrup.

10. Ke Jisus el etu, el fwak nu selos, Efwo komwos ku lokoluke mutan si ? tu el oru me orek mwowo nu sik.

11. Tu met sigasrup mutu yuromwos pal e nu kemwu ; ā ña tiu mutu yuromwos pal e nu kemwu.

12. Tu ke el okoiya kūar iñi nu fwin monuk, el ako yu nu ke ña pukpuki.

13. Payinu ña fwak nu ūumwos, Yin nu kemwu met luti mwo ūašu iñi in fwal nu

kemwu, elos fwa kaskas ma iñi ma mutan si iñi oru in akulinilye.

14. Na sie sin sie-ñul-luo, pañpañ Judas Iskariot, el šom nu yurin leum tol, 15. ā fwak, Mea komwos aši nu sik, ā ña fwa asalot nu šumwos ? Ā elos mwuleuñ nu sel muni tol-ñul.

16. Ā tukin palša el šuk pal mwo si in tukakunulak.

17. ¶ Ke len si meta kofwo lun bred tiu pulolak met lutlut elos tuku nu yurin Jisus, fwak nu sel, Oiya an kom luñšom kut in ako nu sum in moño alukela ?

18. Ā El fwak, Šom nu in siti nu sin sie met, ā fwak nu sel, Met luti el fwak, Pal si luk akurun iñi ; ña fwa oru alukela in lom šum wi met tumuk lutlut.

19. Ā met lutlut elos oru oanu Jisus el lutti nu selos ; ā elos ako alukela.

20. Ke eukela, El foñyuñ nu ke tebel yurin sie-ñul-luo.

21. Ā ke elos moño, el fwak, Payinu ña fwak nu šumwos, tu sie šumwos a tukakin yu yuk.

22. Ā elos pakomutu ma lulap, ā mutamwauk in takla siyuk sel, Leum, ka šu ña ?

23. Ā el tupokoañ ā fwak, El šu wi yu sūsñi paul in ale si, el iñi a tukakun yu yuk.

24. Mwen nutin met el šom oanu ma šimisla ke el : we sin met šu tukakunulak Mwen

nutin met! mwo nu sin met iñi el fwin tiu
isūsla.

25. Na Judas, su tukakunulak, el tupokoañ
ā fwak, Rabbai, ka šu ña? El fwak nu sel,
Kom fwakla.

26. Ā ke elos moño, Jisus el es bred, ā ali, ā
kunšalik, ā ſuñ nu sin met lutlut, ā fwak, Es,
moño; ma iñi monuk.

27. Ā El es kup, ā ſuñ kulu, ā ſuñ nu se-
los, fwakañ, Komwos nu kemwu numla mao:

28. Tu ma iñi sak lun mwilkas ſašu, ma
ſirorla ke met puspis in esla ma koluk.

29. Ā ña fwak nu ſumwos, Ā a tiu nim
tuk fokin fain iñi, nu ke len si ña wi komwos
nim ma ſašu in togusai lun Papa tumuk.

30. Ā ke elos iuk sugo on, elos ſomla nu
fwin eol Olifs.

31. ¶ Na Jisus el fwak nu selos, Komwos
nu kemwu tugulkul foñ si iñi ke ña: tu ma
ſimisla, Ā fwa uniye met sropu, ā ſip lun
unen elos fwaseliknu.

32. Ā tuk ke ña ſiefwil molyuk, ña met
komwos tuk a fwas nu yin Galili.

33. Piter el tupokoañ ā fwak nu sel, Elos nu
kemwu fwin tugulkul ke um, ña tiu tugulkul
nu tuk.

34. Jisus el fwak nu sel, Payinu ña fwak nu
ſum, Tu foñ si iñi, met mwon ſisa kakla tuk,
kom a fwa laflafwekin yu pal tolu.

35. Piter el fwak nu sel, Ā fwin wi kom nu

miši, ña tiu laflafwekin kom. Met lutlut nu kemwu fwak ouyape.

36. ¶ Na Jisus el oelulos fwas nu an si pañ-pañ Getsemane, ā fwak nu sin met lutlut, Komwos mutawun iñi, ke ña šom nu iñó ā pre.

37. Ā el es oelul Piter, ā mwen luo nutin Zebedi, ā mutamwauk iñ asor, ā toas lanu.

38. Na el fwak nu selos, Nunik in ašor lulap, nu ke miši: komwos mutawun iñi, ā wi yu šano.

39. Ā el fwas nu met kutu, ā fokšiufwi, ā pre, fwakañ, O Papa tumuk, fwin ku ke ma iñi, lela kup si iñi in fwas aliki yu wot' fwin tiu ou iñi, tiu ou ña luñsik, ā ou kom.

40. Ā el fwas nu yurin met lutlut, ā konoi'elos yuk la motul, ā el fwak nu sel Piter, Ma ya, komwos tiu ku in wi yu šano ke auu si?

41. Šano, ā pre, tu komwos tiu ilyuk nu in mel: payi ñun luñsi, ā ikwe munas.

42. El siefwilpe šom pal si akluo, ā pre, fwakañ, O Papa tumuk, kup si iñi tiu ku in fwas aliki yu wot, ña fwin tiu numla, oru ou kom luñšom.

43. Ā el tuku ā konoi'elos yuk la siefwil motul: tu mutualos toas.

44. Ā el fwas luk elos, ā siefwilpe šomla, ā pre pal si aktolu, kaskas ou meta.

45. Na el tuku nu yurin met tumal lutlut, ā fwak nu selos, Tari, komwos motul nu, ā moñle; liye, auu si tuku, ā Mwen nutin met tukakinyukyuk nu in poun met koluk.

46. Tukakak, kut ſom: liye, el tuku ſu tuka-kin yu yuk.

47. ¶ Ke el kaskas iñi, liye, Judas, sie sin sie-ñul-luo, el tuku, ā met puspis tukeni oelul, wis kutlas ā ſak, yurolos mi met tol ā met elder lun met.

48. Ā el ſu tukakunulak ſuñ akul si nu selos, fwakañ, El ſu ña ñok, elnu, sruki'-lye.

49. Ā kitin misiñi el tuku nu yurin Jisus, ā fwak, Paiñ kom, Rabbai; ā ñokol.

50. Ā Jisus el fwak nu sel, Kawuk, kom te sika? Na elos tuku filiye paolos fwe'l Jisus, ā as al.

51. Ā liye, sie selos oelul Jisus asroala paul, ā fwauk kutlas, ā pakal met kulanšap lun met tol, ā otala sral.

52. Na Jisus el fwak nu sel, Siefwil išuñye kutlas nutom nu yin on we: tu elos nu kem-wu ſu es kutlas fwa miši ke kutlas.

53. Ya kom nunku mu tu ña tiu ku in siyuk sin Papa tumuk iñi, ā el a swa sipamu nu yuruk lipufon lišun sie-nul-luo ā yok?

54. Fwin ou iñi fuka ma ſimisla payikin, tu a ma oru ou iñi?

55. Ke auu si iño Jisus el fwak nu sin met

puspis tukeni, Ya komwos fwas liki oanu nu sin met iñunyar, ke kutlas ā ſaku in es yu? Piñanu len ña mutu yuromwos in lutin in imwen tempel, ā komwos tiu sruki yu wi.

53. Ā ma nu kemwu ma iñi oru, tu ma ſimisla lun met palu fwa payikin. Na met tumal lutlut nu kemwu fwas luk el, ā kaiñla.

57. ¶ Ā elos ſu ſruki'lye Jisus met, elos kolol nu yurin Kaiafas met tol, yin mwolil met ſim ā met elder tukeni mutu.

58. Ā Piter el fwas tukol lūs'el la, nu in maslon lom sin met tol, ā ilyuk nu we, ā mutu yurin met tutaspo in liye masi tuko.

59. Ā met tol, ā met elder, ā mwolil nu kemwu, elos ſuk met silo lainul Jisus, ou tu elos fwa uni'lye; 60. ā elos tiu konoiok: ā met silo ma puspis tuku, elos tiu konoiok sie. Ā tuko met silo luo eltal tuku, 61. ā fwak, El iñi fwak, Ña ku in kanaosla imwen tempel lun God, ā in muña mao in len tolu.

62. Ā met tol el tuyuk, ā fwak nu sel, Ya wañin nu ma kom tupokot? Mea eltal a fwak lain kom?

63. Ā Jisus el misla. Ā met tol el tupokoanā ā fwak nu sel, Ña fulakin kom ke God mol, tu kom fwak nu ſes la payi ku sitou, kom Kraist Mwen nutin God.

64. Jisus el fwak nu sel, Kom fwakla: kute pe ña fwak nu ſumwos, Tuko komwos a fwa

liye Mwen nutin met mutu on le paul leyut lun ku, ā tuku in pukunieñ kosao.

65. Na met tol el ſalik nuknuk lal, fwakañ, El kaskas enum; efwo kem ku ſuk kutenu met lo? liye, iñi komwos loñ enum lal.

66. Mea komwos nunku? Elos tupokoañ ā fwak, El fwanauk el a la miši.

67. Na elos ani in mutal, ā fus k'el, ā kutenu puklul, 68. fwakañ, Kraist, kom polyauk nu ſes, Šu uni kom wun?

69. ¶ Ā Piter el muta liki nu in maslon lomu, ā mutan fwus el tuku nu yurin, fwakañ, Kom pe oelul Jisus luñ Galili.

70. Ā el laflafwekin ye mutualos nu kemwu, fwakañ, Ņa tiu etu ma kom fwaku.

71. Ā ke el fwas nu in sraumwalsis, sienu liye'l, ē fwak nu selos ſu inutanu iñó, Ele pe oelul Jisus lun Nazaret.

72. Ā el siefwilpe laflafwekin ke fulakin pusupas, Ņa tiu etu met ſen.

73. Ā kutu pal tuk elos ſu tu apkurun, tuku ā fwak nu sel Piter, Payinu kom pe sie selos; tu kas lom orek kom fwolnu.

74. Na el mutamwauk in kaskas koluk ā fulakin pusupas, Ņa tiu etu met ſen. Ā kitin misiñi mwoñ ſisa kakla.

75. Na Piter el esamak kas lun Jisus, ma el fwak nu sel, Kom fwa laflafwekin yu pal tolu met, mwon ſisa kakla tuk. Ā el fwas liki, ā tunñu tuñnu.

ŠAPTER XXVII.

KE lututan, met tol ā met elder lun met elos nu kemwu tukeni papu lainul Jisus in uni'lye.

2. A ke elos kopuri'lye, elos kolol la, ā wis-elak nu yurol Pontius Pailat leum si.

3. Na Judas, šu tukakunulak, ke el liye tu elos lus el la, el ſifwanu auliyuk, ā folokunmu ipen silver tol-ñul nu sin met tol ā met elder, 4. fwakañ, Sito sik, tu ña tukakunak sa payi. Ā elos fwak, Mea ma iñi nu ſes ? kom liauñ ma iñi.

5. Ā el sisot ipen silver nu in imwen tempel, ā ſomla, ā ſifwanu lokšakla.

6. Ā met tol elos srukak ipen silver, ā fwak, Tiu payi tu kut filiye mao nu in tatū, tu ma iñi me mol sa.

7. Ā elos tukeni papu, ā mol ima si lun potter ke mao, in pukinye metſa.

8. Ke ma iñi ima si iñi elos pañpañ Ima lun sa, nu ke len si iñi.

9. Na payikin ma Jeremi met palu polyi, fwakañ, Ā elos es ipen silver tol-ñul, ma elos nunku me mol lal, šu met nutin Israel elos fwak me mol lal ; 10. ā ašuñ mao in moli ima si lun potter oanu Leum el oramu nu sik.

11. ¶ Ā Jisus el tu ye mutun leum : ā leum el siyuk sel, fwakañ, Ya kom Togusa lun met Ju ? Ā Jisus el fwak nu sel, Oanu kom fwak.

12. Ā ke met tol ā met elder elos sis nu fwel, el tiu tupokoañ.

13. Na Pailat el fwak nu sel, Ya kom tiu loñ kutu ma puspis elos orek ma lo lain kom?

14. Ā el tiu tupokoañ nu sel nu ke sie kas; oanu tu leum el lut lulap.

15. Ā ou meta ke kofwo, leum el tulala nu sin metu sie met kopur ſu elos luñselos.

16. Na sie met kopur os yurolos pañpañ Barabbas, el koluk lanu.

17. Tu ou iñi, ke elos tukeni, Pailat el siyuk selos, Ka ſu komwos luñšomwos tu ña tulala nu ſumwos? Barabbas, ku Jisus ſu elos pañpañ Kraist?

18. Tu el etu tu ke ſok sel elos esalak.

19. Ke el mutu fwin me mutu lun nununku, mutan kiel ſipu nu sel, fwakañ, Nik kom oru kutu ma nu sin met payi si iño; tu ña tonin-foñ ma lulap len si iñi in memi ke el.

20. Ā met tol ā met elder elos papu met puspis tukeni tu elos siyuk Barabbas, ā uni'lye Jisus.

21. Leum el tupokoañ ā fwak nu selos, ſu ka seltal komwos luñšomwos ña in tulala nu ſumwos? Elos fwak, Barabbas?

22. Pailat el fwak nu selos, Na mea ña oru nu sin Jisus, ſu elos pañon Kraist? Elos nu kemwu fwak nu sel, Lela lun miši on ke ſaksiñ sugo.

23. Ā leum el fwak, Efwo, mea koluk ma el oru ? Ā elos wowoyuk pusliki, fwakañ, Lela lun miši on ke šaksiñ sugo .

24. Ke Pailat el liye tu el koflanu oru kutu mao, tu elos la orek fukurkur kutu, el es kof, ā tanla paul ye mutun met puspis tukeni, fwakañ, Ā tiu koluk ke sa lun met payi si iñi : komwos liye.

25. Na met e nu kemwu tupokoañ ā fwak, Sa'l on fwus, ā on tulig natas.

26. Na el tulala Barabbas nu selos : ā ke el sruñlul Jisus, el esalak in uni on ke šaksiñ sugo.

27. Na met meun lun leum elos wis Jisus nu in imwen leum, ā elun met meun nu kemwu elos tukeni tuku nu yurol.

28. Ā elos šarukla nuknuk lal, ā nukmulañ nuknuk sisa katel.

29. Ā ke elos orek tefiro in kokol si tari, elos filiye fwin ſiufwel, ā a in le paul leyut : ā elos epas ye mutal, ā aksruksrukal, fwakañ, Paiñ, Togusa lun met Ju !

30. Ā elos anel, ā es a ā sruñil fwin ſiufwel.

31. Ā ke elos aksruksrukal tari, elos šarukla nuknuk katel ā nukmulañ nuknuk lal, ā kolol la in uniye on ke šaksiñ sugo.

32. ¶ Ā ke elos fwas liki, elos konoiok met si Sairini, ēl Saimon : elos ora'l lun wis šaksiñ sugo lal.

33. Ke elos tuku nu yin si pañpañ Golgota, oanu ma, yin sri in ſiuſ ſi, 34. elos aſuñ nu ſel finiger lun nim, wi a toeni: ā ke el pula-kiñ, el ſañes nīm.

35. Ā elos unilye on ke ſaksiñ ſugo, ā eſelik nuknuk fal, koto ſrifwe; [tu oru payikin ma met palu polyi, Elos eſelik nuknuk luk yuro-los, ā on fwin ſienu nuknuk luk elos orek koto ſrifwe.]

36. Ā elos muṭanu ſanol iñō; 37. ā filiye yetun ſiuſwel, ma tukakunulaku ſimisla EL IÑI JISUS TOGUSA LUN MET JU.

38. Na met iñunyar luo oelul uniye on ke ſaksiñ; ſie on leyut, ā ſie on leſi.

39. Ā elos ſu fwaz alukela kaskas enum nu ſel, ososokla ſiuſwelos, 40. ā fwakañ, Kom ſu kanaosla imwen tempel, ā muſa in len tolu, kom ſifwanu moli kom. Kom fwin Mwen nutin God, fwuni ke ſaksiñ ſugo.

41. Ouyape met tol ā met ſim ā met elder elos aksruksrukai, fwak, 42. El molūla ku-tenu, el koflanu ſifwanu mol el la. El fwin Togusa lun Israel, lela lun fwuni ke ſaksiñ ſugo iñi, ā kut fwa lalalfuñi ke'l.

43. El foñyuñ ſin God; lela lun as al iñi, el fwin luñſi el: tu el fwak, Ña Mwen nutin God.

44. Ā met iñunyar luo, ſu oelul uniye on ke ſakſiñ, eltal kas ko pe nu ſel.

45. Ā auu si akonkos nu ke auu si akeu fwal e nu kemwu los lanu.

46. Ā akurun auu akea Jisus el wowoyuk ke pusral lulap, fwakañ, Ilai, Ilai, lama sabaktenai ? oanu fwak, God luk, God luk, efwo kom ku fwas liki yu ?

47. Kutu selos ſu tu iñō, ke elos loñ, elos fwak, El iñi pañnol Ilaias.

48. Ā kitin misiñi sie selos kasus, ā es insral, ā nakla finiger, ā filiye ke a sugo, ā ſuñ nu sel lun nim.

49. Kutenu fwak, Ko'lyamwun, kut a liye la Ilaias el a la tuku in mol el la.

50. ¶ Jisus, ke el siefwil wowoyuk ke pusral lulap, el miši.

51. Ā liye, nuknuk lisñē in imwen tempel sisalik ip luo luñinu nu ten ; ā fwalu rarrar, ā eotu mulpelik ; 52. ā luf kiin mas elos igakla ; ā manol puspis lun kristin ſu motul, elos molyuk, 53. ā fwas liki luf kiin mas tukin pal si ke el molyuk, ā elos ſom nu yin siti mutual ā sikmi nu sin met puspis.

54. Ā met senturion, ā elos ſu oelul, ſanol Jisus, ke elos liye fwal rarrar, ā kutenu iñō ma' orala, elos ſañeñ ma lulap, fwakañ, Payinu el iñi Mwen nutin God.

55. Ā mutan puspis mutu we, liye an lūsla, elos ſu fwas tukol Jisus Galili mi, oru nu sel : 56. Meri Magdalin oelulos, ā Meri kien Jemes ā Joses, ā nine kien mwen nutin Zebedi.

57. ¶ Ke eukela, met gasrup lun Arimatia, ē Josef, ſu wi pe met tumal lutlut lun Jisus: 58. el fwas nu yurol Pailat, ā ñusi manol Jesus. Na Pailat el ſap in aſuñ manol.

59. Ā ke Josef el esla mano, el lumani mao in nuknuk linen nasnas, 60. ā filiye mao in lufin mas ſaſu si lal, ma el tufla in eotu: ā el epusañ eot lulap si nu ke mutun pot lufin mas si, ā ſomla.

61. Ā Meri Magdalin el iño, ā sienu Meri, eltal mutu iño tulonot lufin mas si.

62. ¶ Ā len si tuko, ma tukin len si lun ako, met tol ā met Farisi elos tukeni nu yurol Pailat, 63. fwakañ, Leum, kem esamak tu met kusuinkas iño fwak, ke el mol, Tukin len tolu ūa fwa ſiewil molyuk.

64. Ke ma iñi kom ſap in liauñ ma mwowo lufin mas si nu ke len si aktolu, fwin tiu ou iñi met tumal lutlut elos a tuku [in foñ,] ā pusra'l la, ā fwak nu sin metu, El molyuk: ā ma kusuinkas tuk koluk liki ma kusuinkas met.

65. Pailat el fwak nu selos, Met ſano os yuromwos: komwos fwala, ā orauñ akkeyu oanu komwos etu.

66. Ā elos ſom, ā orala lufin mas si ma mwowo, tawunañ eot si, ā filiye met ſano.

ŠAPTER XXVIII.

TAFIN foñ tuk lun sabbat, akurun lenelik len si umet ke wík, Meri Magdalin, ā

sienu Meri, eltal tuku in liye lufin mas si.

2. Ā, liye, rarrar lulap: tu lipufon si lun Leum sikmi in kosaoe mi, ā tuku ā epusla eot liki mutun pot, ā el mutu fwe.

3. Mutual oanu ſarom, ā nuknuk lal fwos fwos oanu wiaoa: 4. Ā ke ſañeñ sel met ſano elos rarrar, ā oanu met miſi.

5. Ā lipufon el tupukoāñ ā fwak nu seltal mutan, Komtal tiu ſañeñ: tu ña etu tu komtal ſuk Jisus, ſu uniye on ke ſaksiñ sugo met.

6. El tiu os yinu: tu el molyuk, oanu el fwak. Fwasu, liye an ya Leum on nu we.

7. Ā fwasot aksaya, ā lutí nu sin met tumal lutlut tu el molyuk; ā, liye, el fwas met komwos tuk nu in Galili; iñó komwos fwa liye'l: liye, ña fwak nu ſumwos.

8. Ā eltal akpuspusye fwas liki lufin mas si, ke ſañeñ ā eñun lulap, ā eltal kasus in fwak nu sin met tumal lutlut.

9. Ā [ke eltal ſom in fwak nu sin met tumal lutlut,] liye, Jisus el ſunoltal, fwakañ, Paiñ komtal. Ā eltal tuku ā ſruukie niel ā ali nu sel.

10. Na Jisus el fwak nu seltal, Nikmit ſañeñ: komtal ſom fwak nu sin ma lik, tu elos ſom nu in Galili, ā iñó elos fwa liye yu.

11. Ā ke eltal ſom, liye kutu sin met ſano elos tuku nu in siti, ā lutí nu sin met tolma nu kemwu ma orala.

12. Ā ke elos wi met elder tukeni mwolil, ā papu, tari, elos ſuñ muni puspis nu sin met meun, 13. fwakañ, Komwos fwak, Met tumal lutlut elos tuku ke foñ, ā pusra'l la ke kut motul.

14. Ā leum fwin loñ ma iñi, kut fwa umwe'l ā orek komwos in tiu ſañeñ.

15. Ā elos es muni, ā oru oanu elos luti nū selos : ā kas si iñi met Ju elos kaskaskin nu ke len si iñi.

16. ¶ Na met tumal lutlut sie-ñul-šie elos ſom nu in Galili, nu fwin eol ya Jisus el oraun̄ nu selos.

17. Ā ke elos liye'l, elos ali nu sel : ā kutu silalalfuñi.

18. Ā Jisus el tuku ā kaskas nu selos, fwakañ, Ku e nu kemwu etūku nu sik in kosao ā fwalu.

19. Tu ou iñi komwos ſom, ā luti nu sin met fwal e nu kemwu, baptais elos la in ēl Papa, ā Mwen, ā Ñun Mutual ;

20. Luti nu selos in liauñ oru ma nu kemwu ma ña ſapkin nu ſumwos : ā, liye, Ña wi komwos ma patpat, nu ke safla fwalu. Amen.

